

槎軒集序

吾蘇高太史先生以詩鳴於國初故稱名能詩者必以先生為之首先先生之詩有缶鳴集姑蘇雜詠行世已百年矣又有江館鳳臺槎軒三集迄今未壽諸梓吾友儀部負外郎張君企翹自幼得之鄉長老所茲於公暇每誦而愛之謂非他為詩者可及爰為較錄合古今體制製類成十卷摠名之曰槎軒集量節律給圖欲與前二集並傳授余為之序噫詩刪於聖筆為終古不易之常經良由人之有心則有思有思則有言以成夫詩初若易能者無何下逮漢魏晉宋更數世曆千有餘年而特起以名家者率不過三數人抵唐作者雖衆以

及宋元所謂名家而特起者指皆不多屈抑何其艱耶先生天賦之厚力學之博造話工而用事當才兼衆長而每出人意料故其為詩清新俊雅沉着痛快如春陽載熙羣芳競秀年穀荐登萬室具充可謂特起於世而名為大家者維時皆擬其居大任以展大制作嘗徵脩元史甫畢而退所施莫殫其所負不幸年未始仕以沒因是推之特起一世不為不專著之簡編不為不多傲倪千古不為不久名為大家不為不盛彼處富貴享安榮以竭身心之樂者未嘗一日而無其人亦多漸滅無傳或播其醜於後先生克立於不朽雖罹不幸亦奚憾乎殆未可與淺近者道也余初入詞林院長南陽李公永新劉公謂

余言尔蘇之詩在

當朝惟高太史為然猶言文必舉金華宋學士也此脩一統志已疏其為郡之第一人矣夫豈但一郡之詩天下之詩也數千百載之詩也余服膺二公確論後莫有能易此或疑先生之詩其粹已在前二集茲特其醜耳殆不然李杜二大家無一之不載莫不有意味存焉譬之多藏之家消歇之餘尚足以副中家之假貸蓋所從來者遠也全朝編行之意不謂無為觀者自有得焉

成化十四年歲次戊戌如月朔

賜進士翰林國史檢討徵仕郎婁東張泰序

槎軒集目錄

卷之一 樂府



有所思行

吁嗟篇

擊筑吟

妾薄命

出門行

愛妾換馬曲

美人磨鏡詞

悲歌行

苦哉遠征行

鑿渠謠

荆門壯士歌

月支王頭飲器歌

朝鮮兒歌

城虎詞

春初來

燕覆巢

野老吟

湖州歌

田家行

風樹操

登丘操

望歸操

Faint bleed-through text from the reverse side of the page, including characters like 望歸操, 田家行, 燕覆巢, 朝鮮兒歌, 鑿渠謠, 美人磨鏡詞, 有所思行, 妾薄命, 擊筑吟, 愛妾換馬曲, 苦哉遠征行, 荆門壯士歌, 城虎詞, 野老吟, 湖州歌, 風樹操, 登丘操.

卷之二 五言古體

秋懷

寓興

空明道人

錢孝子廬墓

隨月映雪圖

倪雲林畫

王黃鶴畫

澹菴

蘭室

憩靈鷲池上

始遷西齋

林屋圖

春江圖

因病不飲

我愁

三良

荆軻

褚彥中存畊軒

九日

九日至西汀

贈醫僧東山

贈金瞽師

燕客

過羊腸嶺

登竹竿嶺

賦長洲苑

送金海虞

送徐幼文

懷張贊軍

賦法華雨送僧

送陳秀州

暮行園中

秋風

秋雨

徐熙嘉蔬圖

大水

白水冒我田

秋日寓東屯

冬至夜感舊

山居二詠

送賈文學

夜飲余左司宅

送李使君

送韓司馬

卧病簡諸友生

施澤阻風

過硤石

讀書

殘燈

贈吳氏昆季

送黃主簿

送王推官

卷之三 五言古體

春日言懷 退思齋 來鴻軒

春江雲舍 鴻山書舍 贈銅臺李壯士

贈張主簿 送李提舉 青丘道中

獨步西岡 三鳥 孤鷗

新春 絮 遊寧真道院

遊師子林 遊寶積山 題陳生画

送芑僧東歸 清樾軒 耕渙軒

愛日堂 送張文學 送李別駕

送蜀山人 懷兩王孝廉 醉贈王卿

贈群上人 西齋芙蓉 劉凝之騎牛圖

詠軒 驅瘡 客有不樂者

和徐倪僧答 謝陳卿惠冠 朱生讀書所

贈李元脩 堂下栢 懷徐幼文

送王常宗 袁氏高節樓 施君眠雲堂

張氏世壽堂 送張隱居 理篋得諸友詩

次韻包同知 鄭義門 送王檢校

答張院長 寄王太史 登樓看雨

舟中早行 軒前葵 雨中懷王太史

魏君示舊贈 東屯即事 暮途書所見

松隱居

愛竹軒

過甫里

獨遊山中

送林謨秀才

送張進士會試

謁張中丞廟

送陶記室

送劉冠軍

送董軍咨

送張員外

夜坐有感

宿蔡村夜起

泛湖至東舍

苦寒書江上壁

詠雪禁体

次韻楊孟載

江村二題

中宗射鹿圖

萬松金闕圖

菜蕒

海石

雪海

鳳臺三益圖

儀奎樓

明月舟

約遊范園看杏

過幻住看梅

和覲梅

和遊山

次韻遊城西

見駕鵝群飛

喜徐幼文遠來

謝惟陳允畫

天香深處

荆南舊業圖

煮石山房

吳越兩山亭

贈丘老師

贈步鍊師

贈陳孫義士

贈買墨陶叟

夏山過雨圖

摘阮美人圖

卷之五 七言古体

送張明府

送王邑長

婁江遇風

姚烈婦

陳節婦

聽陳協律彈楚

酬沈墨翁

京師苦寒

賦烏衣巷送友

京師重午

遊西園二題

芥舟

梅雪軒

卧沙龍圖

贈治冠梁生

南州野人

題魏孝康画

題韓長司画

米元暉画

高彦敬画

魏公書伯夷頌

江上看花

長短句体

天池石驛圖

媯娃子歌

書夢中

聽錢文則琴

看梅

清冷閣

雪齋

謝贈張仙像

題滕用衡画

贈緞師刘生

釣臺歌

五禽言

卷之六 五言律

肅余左司

荅倪隱君

雨後飲西園

次韻行屯作

送人戍梁溪

題僧山居圖

荅陳邦度

和王止仲

亂後經婁江

鵲軒

雨篷

溪山小隱

一窻秋影

聽秋軒

飛燕

流螢

水殿圖

簞

扇

新荷

新蟬

池上晚酌

林間避暑

晚坐南齋寫懷

送宋醫士

送刘省郎

微恙江館作

陪客

過戴居士宅

分韻送僧

分題謝醫

飲陳卿宅

師山園

湓浦琵琶圖

金人馬圖

馬隣家桃花

鷺

漢樵耕牧

隣家桃花

櫻桃

梧桐

寄沈達卿

夜起觀月

曉晴步眺

送李止永道人

送吳縣陳令

天心水面軒

贈李刘二醫師

園棊

射柳

五月菊

夏景園廬

獨酌南樓

中秋宴集

曹谷才世訓

贈東庵道者

過刘山人園

次楊礼曹作

見逃民家

悼女

見歸鴉

宋廸夜歸園

華堂芝檜園

送周履道

雨齋獨坐

次韻甬西園公

聞隣家琵琶

書王生扇

送胡銓

送陳少府

逢蔣主簿

寄杜進士

贈姚東曹

題戟門

贈張省郎

鍾山雲霽園

立秋日

冬至夜

廿四夜坐

輓恭孝先生

悼頽宜人

排律

輓宋尚書

送唐郡守

送高郎中

送周檢校

送高麗員使

焚香

詠夢

戲嬰圖

卷之七 七言律

江館詠懷

和蔡參軍

寄余左司

聞兄謫壽春

送成居竹

次韻倪允鎮

次韻俞士平

寄方以長

寄海昌李使君

荅聶才子

送宋孝廉

送陳博士

送秦師訓

送顯上人

張思廉退居江上

過子宜林居

寄王止仲

荅余唐卿見寄

客舍寒食

送金德儒弟

荅李志學見寄

和楊孟載

首春感懷

挽翟孝廉

宿行營舟中

贈李鎮禦

得遷谷消息

得周履道詩

逢倪賢良

蘇臺懷古

吳城感舊

淞江阻風

江館書事

別江上故居

遷城南新居

子祖授生

煮雪齋

香輓軒

送呂志學入道

送衍斯道

春宵因

雲山樓閣因

鶴瓢

贈張夢辰

次韻楊孟載

謁五相祠

吊岳王墓

爰姬祠

七姬家

次韻咏梅

暮春荅懷德

水竹居

訪呂志學

雅宜山居

喜徐幼文歸

東呂草堂

蘆花簾

舟中看山

夏夜偶成

泛舟南河觀荷

新竹

梅雨

山寺渙樵圖

追次唐人韻

贈王醫師

送基上人希載

謝徐司訓

赴京別

白鶴溪阻雨

御溝

登天界鐘樓

喜聞王師下蜀

送陳總戎

送周省郎

送沈省郎

送胡端

送殷孝伯

答復上人見心

答韓長司

秋江晚眺圖

中秋翫月

客中述懷

重遊甘露寺

送賀叔庸

送梁天爵

端陽寫懷

喜張太常南歸

徐浩二子見訪

雪中

寄永寧丁令

送王茂才

次韻仙輿

次韻王汝器

夜雨不寐

漫成

卷之八 五言絕句

聞鐘

聞笛

聞柝

馬遠画

鴈

秋雨

秋聲

紅葉

桂

對月夜飲

中秋

春溪獨酌

竹林高士

湘南雨意

訪友圖

晚尋呂志隱 訪丁至恭 荅陳邦度

得家兄消息 池亭 王主簿小園

登樓望虎丘 宿雲岩 画

鴛鴦 柳燕 水邊桃花

西園梨花 榮瘁竹 隔簾聞歌

題蕉仕女圖 病酒 宿寧真道館

軒前竹 寄王汝器 登白雲寺閣

宿紫藤塢 雲林小景 山中

睡竹 九日 客中歲暮

除夕憶女 刺客三詠 山園四題

余菜十五題 端陽十詠 軍裝十二詠

師林十二詠

六言絕句

陸氏別野

卷之九 七言絕句

宋徽宗画 浩然騎驢圖 虎丘

贈張架閣 送王丞巡寨 送林生往海上

張靜居画 醉歸夜坐 夜雨

寒食感懷 城南柳 虞文靖公墨蹟

送艾判官 見亮師画 登白蓮寺閣

贈彥正兒

逢王常宗

送周履道

送胡奎

見山

讀周履道詩集

寒夜逢幼文

喜劉君見過

寄書家兄

田夜舍春

聞隣兒讀書

贈孟載兒

逢故人子

客越得家書

夜兩客中遣懷

夢歸

春日憶江上

客中春暮

夢唐余卿

送徐浩二子

元夕聞放燈

春日漫興

江上雨中

春陰

惜春

林間作

王宅看海棠

次友寄韻

清明有感

聞友遊院看杏

柳塘燕

睡起

閏三月書事

經故帥宅

西園春暮

過西嶼

雲岩東院

杏林

田家壽宴圖

題畫

舟中卧作

江上阻雨

綠陰堂嘗笋

三蟲

閑卧

晚立西浦渡

西山暮歸

過湖舟

林亭避暑

池亭对竹

江上晚

閨怨回文

中秋無酒月

約友中秋不至

秋蕃薇

癸卯九日

菊竹

墨菊

紅梅

折梅

三香

道上人梅

北莊訪友

和現梅

東丘見枇杷

冬月寓治平

偶成

幻住看梅

卷之十 七言絕句

白石山房

王翰林使番

讀王待制書詩

夜泊毘陵

離江館有感

見花憶故園

得袁卿書

雨中晚卧

舟中逢白范

寄朱國史

祐陵所題画

子昂臨祐臨草虫

謫仙像

青城戴笠圖

梨園秉烛二圖

画題送友

送李二尹

送友謫成

挽栗瀆翁

慰人悼亡

湘君洛神二圖

讀北郭集

和衍斯道

金玫留宿

張耒儀画

贈徐亨甫

贈真師

次王耕雲

過保聖寺

送震僧

四皓

二喬

管仲姬画竹

張雲門竹

倪元鎮竹

寄沈侯乞猫

画犬

画馬

桂蕉二仕女圖

背面美人

春睡理髮圖

臣然小景

芋翁雙竹

松雪画馬

瀑布

仙山樓現

秋娘紅拂

荔枝練帶

棘竹三禽

和遜菴

十宮詞

詠史廿二首

槎軒集目錄終

附錄 太子少師姚廣孝讀高季迪詩集

對君嘗自誦君詩只為君曾許我知今日相看雖
客裏一編讀盡夕陽時

吟塲處、擅名魁愛我頻將卷帙開好並韓詩與
杜集讀時元不為愁來 右客次

吹臺長別最傷情詩句流傳到遠林此夜雪窓開
帙看完同北郭對床吟 右雪夜 附錄終

槎軒集卷之一

樂府

吳

郡

高

啟

季迪

著

有所思行

有所思今安在煙霞迢、隔南海昔年遺我翡翠裘
篋中久閉沉光彩宛如神仙在瀛洲乘濤欲至風引
舟同心之人乃離阻嗟我處此將何求

吁嗟篇

惻、抱深隱靡、踰崇丘凜、歲欲徂後、車未休
不辭車未休但傷歲莫留窮陰蔽九野徒旅同時憂
豺虎當路啼猿猱出林遊我飢雪作糧我寒又無裘

徒思陽春日誰返羲和朝天時自有常淚下還復收
擊筑吟贈張贊軍

擊筑上君堂君心不可忘哀聲流易水憤氣激咸陽
不向諸侯座寧未刺客場今朝特前奏為我一停觴

妾薄命

悠々長門月流影入宮深但照嬋娟影不照貞素心
君恩無日迴妾貌有時老但願它人歡事君千年萬
年色長好

出門行

貧賤去鄉里四方何所之欲遊淮行市恐為少年欺

少年勿相欺人寔未可知纖莖陰高崗弱隔翔天池
丈夫懷遠志奮發寧無時

愛妾換馬曲

出帷掩紅袂離廡結青絲我取躡雲足君憐羞月姿
惟當樹功業詎必戀恩私回首各已遠春山將暮時

美人磨鏡詞

匣中舊鏡龍蟠背散盡如同月逢晦尋得街頭負局
翁紛鉛和汞拭青銅須臾瑩徹無纖翳試整朝暗未
梳髻光明還在只如新悔向塵埃久相棄明日照儂
自畫眉不須問即宜不宜

悲歌行

結髮好遠遊出門覽山川誰云帝閔遠有路不在天
我車大且遲日暮牛領穿忽逢悲歌士論心涕潸然
今日不得志明日非少年

苦哉遠征行

悠悠荷戈子謫發事遠征遠征無窮期千里萬里程
瞻斗知鄉遙覽物悟歲更霜露鑱飢膚弊鎧蟻虱生
况茲三邊虜驕黠未易平聞笳已心摧赴亦仍骨驚
軍興有嚴誅賤命願自輕區區在行間敢望竹帛名
柰何久不還主將功未成誰憐城南室思婦感鵲聲

鑿渠謠

鑿渠深一十尋鑿渠廣八十丈鑿渠未苦莫嗟吁黃
河曾開千丈餘君不見賈尚書

荆門壯士歌

水洳：冰差：荆門葉黃杪秋時上有騰櫻之猿孫
下有饒嚼之蛟螭悲哉此路難孰敢徑渡之三撫髀
壯士起劔風騷勞髮上指仰天長歌不見星哀鴻夕
叫雲冥：

月支王頭飲器歌

磧中萬騎驕嘶雪頭掛金鞍敵初滅歸來漆作大白

柸胡酒寒凝色如血故國無瑩婦夢迷朽骨飲恨空
如泥琵琶聲中鬼語襍酥燈照夜風淒淒崑崙倒瀉
黃河入袍汚淋瀝凝淚濕部落誰酌國士恩尊前一
夜無聲泣烏孫降王猶疾首起奉單于千萬壽

朝鮮兒歌

朝鮮兒發祿初剪齊双眉芳筵夜出獻歌舞木綿裘
軟銅環垂輕身迴旋細喉轉蕩月搖花醉中見夷語
何須問譯人深情知訴離鄉怨曲中拳足拜客前烏
啼井樹蠟燈然共訝玄菟隔雲海兒今到此是何緣
主人為言曾遠使萬里好風三日至鹿走荒宮亂寇

過鷄鳴廢館行人次四月王城變熟稔兒行道路兩
啼飢黃金擲買傾裝得白飯分食趁舶歸我憶東藩
內臣日納女椒房被褱翟教坊此曲亦應傳特奉宸
遊樂朝夕中國年來亂未鋤等令貢使入朝無儲皇
尚說居靈武丞相方謀卜許都金水河邊幾株柳依
舊春風無恙否小臣撫事憶昇平尊前淚瀉多於酒

城虎詞

候潮門開啼早鴉有虎忽入吾人家母兒畏窟鷄犬
伏排籬突戶誰能遮穉風動地初哮吼驚起東營捉
生手怒援長戈試一春目光落地俛魂走南山藜藿

深冥、白日橫行誰敢櫻胡為離窟來城市牙爪雖
全不堪恃君不見壯士遭急縛失路窮時亦如此

春初來

春初來柳條欲舒花未開曉日窻前鳥聲喜似報春
來喚人起東風吹暖入烟痕綠遍江南几千里去年
春去憶愁人倏忽今年又見春但欲逢春醉盃酒不
怕相思成白首

燕覆巢

雙燕生五雛怡、向高屋雛飢母出風雨來新作深
巢竟傾覆主人念雛不解飛移之別壘待母歸雛雛

得壘燕勿喜相逢主人亦偶爾明年作巢當更好須
信安居最難保

野老吟送陳大尹

菜菴初鳴麥花落大家小家蠶滿箔村中無吏夜捉
人老身醉歸行失脚自從明府一下車短衣糲飯即
有餘姓名免籍弓弩手新婦辟纊兒讀書縣門前頭
柳飛絮春風又隨官馬去雞鳴相送拜道邊願公受
取一大錢

湖州歌送陳太守

草茫、水汨、上田蕪下田沒中田有麥牛尾稀種

成未足輸官物候來桑下搖玉珂聽我試唱湖州歌
湖州歌情終闕幾家愁苦花村月

田家行

去年大雨漂我麥今年桑柘軸無帛身隨簿吏到縣
門田少稅多那免責聞道長征未罷兵轉輸日向日
向邊城老少田中竭筋力願為官家足軍食但得官家
風雨時盡供微賦儂不辭

琴操

風樹操 予自傷早失怙恃而作

朝風之飄兮維樹之搖兮吾思親之翹兮夕

風之烈兮維樹之揭兮吾思親之憒兮樹之
有風猶可息兮吾之無親終不可復得兮

登丘操 登青丘有懷而作

驅車兮與馬蹇吾行兮胡為乎在中野登彼兮崇丘
下蒞兮九州思君子兮不得與駕以遊山出有雲
兮木亦有柯我將歸兮憂之如何

望歸操 哀里人周復之子死於虎而作

鬼旦而出于山之麓兮兒夕不歸在虎之腹兮吾往
無所榛莽彼谷兮嗟爾眈兮已飽我豕犢兮穴亦有
子胡寧使我獨兮

槎軒集卷之一

槎軒集卷之二

五言古體

吳郡

高

啟

季迪

著

秋懷十首

少時志氣壯不識秋氣悲呼儔射鳴雁遙鷺東山陂
中年漸多懷惻、當此時登高望原陸不見車馬馳
思我平生惟高墳鬱纍、世人非羨門誰能久華茲
惟有盈觴酒可以持自怡

明月出遠林流輝鑿林幃促、草下蟲催我索故衣
起嘆秋夜長欲取鳴琴揮掩抑不成弄中心復乖違

有懷難自宣勿謂知者稀

拳荷、已老采蘭、已摧無由玩芳物暢望江之隈
木落山更空猿聲有餘哀所思去我遠佳期邈悠哉
被垢尚可澣沐淥猶難開我愁亦何來當秋鬱難裁
棄置勿嘆息多愁損顏衰

志士憂歲晚羈人念秋早騷、鬢絲垂索、枯葉槁
誰言衆芳歇時菊正鮮好日暮食其英聊開我懷抱
貧賤難久居欲去恐違道時命恐未通徜徉以終老
秋風夜颼、秋光日灑洒覩人亦心驚况乃屋秋者
塊處厭空宇命駕聊適野征鴻暮相呼牛羊亦同下

我居久離群憂襟向誰寫

涼風動幽幔高堂夜空虛明燈無與語聊讀古人書
古人亦何人使我不得如棄卷輒還卧終宵自欷歔
鳴虫入我戶落葉覆我井何無四方志恋此一室靜
問途欲晨征畏殘霜露冷濁醪幸方熟夕飲燭可炳
勿憂去日多但願來日永不知苦驅馳孰若長酩酊
弱齡弄篇翰出門結群賢俛仰幾何時已有新好年
歡語雖常逢憂患亦屢牽世故逐人老髮鬢能久玄
沉思復何為有我既往愆問道行已歇中途曷歸旋
朝遊荒岡陸暮行空潭側我非楚大夫何有憔悴色

良長思遠聘周道廣且直我馬力不前回駕任偃息
踟躕阻修程日夕睇西北苟安非予志所惧時未識
弭棹望江涘日落青楓林驚波駛且廣蕩漾浮雲陰
靡々臯蘭衰噫々渚鴻吟頽此凜節謝憂來忽傷心
宋子悲已多潘生歎弥深自古有此愁誰云獨吾今

寓興三首

有鳥來萬里海寒遇天風群飛忽四散雲路不得從
矚羽已摧落襪褫向深禁雖無金丸惧飲啄常勿充
悲鳴顧霜雪欲托無高松黃鵠何時來嗈我出蒿蓬
有女乘烟霧出遊在江濱麗服飾珠翠光輝比陽春

借問誰氏子乃是洛浦神自非瑤臺侶誰能得相親
空懷纏綿意日暮無由伸
有客愛遠遊驅車上高山東海不盈覽扶桑低可攀
欲與^先人期翱翔彩雲間白日忽然暮風霜慘容顏
徘徊望鴻鵠失路何當還

空明道人

我聞赤城東仙嶠名委羽煙霞閉深洞絕壁飛玉鼠
空明中有天日月照瓊宇昔人鍊丹成自駕黃鶴舉
陳翁夙慕道棲此求真侶玄文夜長披靈藥朝每茹
石室人不來閑眠青蘿雨于今定非死飛遊去何許

海上幾秋風誰傳令威語

錢孝子廬墓錢乃吳越忠孝王裔也

颯々黃竹嶺蕭々白楊村行人亦悲哀何況父母恩
不忍迓華屋結廬傍孤墳啼鴉應哭聲日暮空山昏
無隣與誰語獨宿傷精神仰聞松柏吟俛見狐兔奔
淚洒墓前草當春死芳根至性有如斯不愧忠孝門

題隨月暎雪二圖

空齋無短檠愁渡新涼夜青天素娥出餘輝獨堪借
達曙願徘徊莫逐秋河下
簷雪不能掃留映寒窓白書字細如蠅坐看還歷々

華燈照歌帳誰似南隣客

倪雲林畫義興山水圖

嘗吸陽羨茗不遊陽羨山銅官結秀色都在畫圖間
樊川醉遊處水榭依沙樹雲入縣城來溪流太湖去
我愛雲林生高歌無俗情石庭梅欲發須放酒船行

王黃鶴畫秋林高士

二仲有玄賞相携在中林遐景延迥步微言諧素襟
天秋谷響哀日暝川光陰風駛多委葉山空少歸禽
逶迤臨長岡迢遞指遠岑諒非羈離客詎用愁登臨
澹菴

素士脫紈綺澹然怡道心窮廬車馬絕寒鳥下庭陰
酒外寡真趣琴中多苦音閉門三日卧風雪滿城深

蘭室

湘臯春水深澧浦秋風早如何庭戶間芳蕤獨妍好
不有君子心憔悴同芳草

晚憇臨鸞院池上

微雨過祇樹寺齋涼已多臨流一就盞搖動滿池荷
風後扇力薄煙中爐氣和慙非許元度吟卧每來過

始遷西齋

乍懸南樓榻始布西齋筵西齋非吾廬幽淨亦可憐

風牖竹裊、露庭菊鮮、圖史左右陳、永日坐一壚、
婉孌教童子、哦誦當我前、為尔竟寂寞、低回欲窮年、
讀書將何為、乃與初志愆、進無適時材、退乏負郭田、
我生非瓠瓜、謀食有道焉、苟得隨群趨、願此不稍賢、
飲餘解衣卧、每朝腹便、

林屋圖題簡廬公武

竹梧翳苔石、知是幽人居、林間鳥鳴後、亭空賓散餘、
聞有盧鴻隱、長年留著書、

春江圖題送王彥強使君

歌徹小秦王、愁深第幾觴、飛花蕩春影、江水不勝長、

日暮東風急、離帆且緩張、

因病不飲

我昔無所求、但愁酒盃空、引滿先四座、醉豪壓春風、
年來病稍侵、積憂復相攻、舉觴不能吞、若有物梗胃、
歲晏風雨夕、擁爐坐牕中、酒徒散去盡、歡呼與誰同、
三杯即頽然、憔悴映燈紅、後老當柰何、即今已如翁、
斯味禹所惡、攝生咲無功、從此便可止、賦詩繼陶公、

我愁

我愁何從來、秋至忽見之、欲言竟難名、泯然聊自知、
汲、豈畏喪樓、詎嗟卑、既非貧士、嘆寧是遷客、悲

謂在念歸日故鄉未曾離謂當送別處親愛元無睽
初將比蔓草夕露不可萎又將比烟霧秋風未能披
藹然心目間來速去苦遲借問有此愁于今幾何時
昔宅西澗濱尚樂山中竒茲還東園中重歎草木衰
閑居誰我顧惟有愁相隨世人多自憐遊晏方未疲
而我獨懷此躑躅誠何為

詠三良

殉堊古所禁秦國固戎風穆公臨棄朝要此三臣從
三臣百夫良不與親暱同一夕使俱斃無人國將空
捐生豈不難忠義感素衷長恐先朝露無由奉君終

遺命凜在耳烏能惜微躬但惧尋主孤誰當共成功
高閨荆棘間玄雲閉幽宮杜臯同此歸冥冥路安通
國人痛莫贖洒淚呼蒼穹傷哉黃鳥詩流哀竟無窮

詠荆軻

叔盟非義舉曹沫已可羞燕丹一何愚區區祖遺謀
千金養荆軻誓將報強讐奉圖使入關心知絕回輈
賓客盡白衣相送易水頭酒酣涕淚落筑聲和悲謳
猛氣激蒼旻長虹為西流行造秦庭陞戟衛甚周
臨機失始圖利鋒竟虛投豪主一按劍社稷條已丘
先王禮樂生破齊震諸侯苟能滯此賢伯業猶可修

胡為任輕易自趣亡
戚憂徒令後世人歎
惋餘千秋
褚彥中存畊軒

褚翁江畔居家無二頃
田所保方寸地欲為子孫傳
畫以仁義畦灌以禮樂
泉得書為耒耜躬耕可終焉
去惡如去草不使得蔓延
沛若如雨化良苗已芫然
所獲亦既多豈止三百廛
柰何謀富人羨併連陌阡
已田不解芸茅塞誠可憐
嗟翁豈老農遠勝樊子賢
有德自足飽何憂值荒年

九日

茲晨豈不佳
秋日麗川陸
幽人自悽感
坐念顏運速

去年登高會朋舊俱在
目霜前紫蟹肥露下細
杭熟空山有樓鳥歸駕
不忍促今年客江臯落
日吟影獨逢辰少歡意
愧此籬下菊人生苦難
知世事嗟可卜但須酌
紫朶有酒吾自漉

九日無酒步至西汀間眺

高天無游氣秋氣自激
肅離屋時節變霜降未授
服蕭條田野間晨步聊
遠矚悠々寒川駛靡々
晴岵嶺矗菊叢有清香木
葉無故綠親朋去我遠
登高且連躅孤懷誰知
音惆悵臨水曲名酒不
可尋歸來掩茅屋

贈惠山醫僧東山

九峯聚錫麓一水迴梁溪之子脩淨業長年此幽棲
曲彈白雪妙詩吟碧雲低况有醫龍方丹成重刀圭
採藥夜歸院蘿月照澗西扁舟欲相訪愁作武陵迷

贈虞山談鬼谷數磬師金松隱

我聞鬼谷子乃是古仙真避世青溪中不污戰國塵
著書十三章當年授儀秦二子不善用竟皆殺其身
磬師得異傳相去逾千春不為從衡說談數妙入神
往年客南都蓬門集朱輪下簾論玄理驚動金陵人
歸來隱虞山繞廬樹松筠誰言目無覩內照臨光新
緬思大化根生此下土民起滅千萬途孰能究其因

或愚聘結駟或賢被懸鶉命也可柰何天道誰踈親
世事慎常守毋使徒紛綸

端居燕客次蔡叅軍韻

林旦未昇旭岩深稍祛霏夙興達仙署在公違告睢
良儔信可懷弥月曠容徽偶茲解華轡沽酒扇芳卮
鈴騶儼衛齋妓樂出房帷放吏命決漏留賓教闔扉
談笑竹下塵賭墅花間棊欹整展宿好言長蠲積思
佳辰子所惜高誼予攸希時難賸睽阻能此嗟為誰
願各保太和長年樂施施飛佩倘可接東方候安期

過羊腸嶺在天平山

我昔江湖遊命寄一蓑輕今朝籃輿穩爰此山中行
松風與澗水故作波濤聲初登羊腸嶺畏聞羊腸名
入林穿蒙密出谷擇曠平雖非太行路車馬恐敗傾
我何數乘此要識艱險情

登竹竿嶺

曲徑隨蟒蟠高枝作猿攀力盡到頭頂始見湖中山
烟雨過空鏡曉沐西子鬟好景好如詩追尋詎能閒
朝飲白雲泉夕渡明月灣自笑俗緣在未窮遽言還
應知他夜夢猶在山水間

賦長洲苑送徐孟岳

江邊採芳遊花過鶯聲寂風林柳視琴月舫蓮塘笛
豪華已非舊恨與煙蕪積方嗟既往人復送將歸客
迴首望蒼：遙山雨中夕

送金海虞

青：堤邊柳鬱：當春榮漫：悲路長戚：念子行
子在車全馳子去鷓獨傾乃知失群鴻不若求友鶯
山川間音問何以慰我情唯其布嘉惠海隅聞頌聲

送徐記室幼文往蜀山

結客抱狂志傾身通俠交東將覲渤澥西欲踰函嶠
奔蹄脫驚轡墮翻連飛鑣酒具載車出兵法篝燈鈔

從軍願奮立學儒耻譏嘲寧期憂事集頓使芳年拋
塵衣曉城陌雪帽寒江郊客堂感蟋蟀婦室悲蠨蛸
自咲失水鮒空慚淖雲蛟獲君乃瑚璉顧我猶斗筭
高懷矯衰薄雅音變哇咬談詩辨六義讀易窮諸爻
情親豈殊意氣合真同胞因衣像輪輻暢和諧墳匏
妓席夜留晏僧扉晝携敲循花縱步彙映柳持鳴鞘
塘行月灑々林卧風捎々要渺送謳唱瀾翻雜詠凋
七滑炊野飯盤香薦山穀遭時雖齟齬處俗不混淆
曩游既相挈茲離竟誰教浮湖理去榜祖道移中庖
遐方未罷戍近日猶被抄鹿驚互奔併虎鬪仍咆哮

荒墟少杵砧遠壘多砧鏡問徃何土里荅云此岩壑
人安地有阻歲稔田無境牛羊可放牧鵝鴨共燖炮
湍長磯磴激石古窪樽坳樵斤聽伐木獵火看除茆
雨紅爛秋實露紫舒夏苞溪晴鴈拍々村曙鷄膠々
書声隱篁竹棹響穿蒲菱聊將耦沮溺誰敢儕衣巢
未事誠瑣々大言匪嘍々世險路生穿名浮浪吹泡
擾鉏擬共把干戚行俱包社舖飲烹狗贍祀歌迎猫
慎勿厭寂寞長當謝紛曉

秋夜懷張贊軍思麋

亭々雲間樓皎々樓上人相望如明月此夕東海濱

秋風忽驚客梧葉鳴聲頻不寐繞飛檻高步咏道真
誰憐荒園中幽卧愁難親露寒砌蛩急相思空達晨
賦得法華雨送惠上人歸江上
慈雲起灵山虛空宝花雨遙從天女手零乱飄春曙
香滋淨沼蓮影拂祇園樹高僧結習銷衣上留不住
唯隨一蒂風飛渡江南去

送陳秀州

我行秀州野馬首迷荆榛路逢病老翁涕泣說苦辛
前年乱兵來殺戮存几人崎嶇墾舊田欲活未死身
官府事微索書版日下頻點丁不遺孤輸穀不待新

屋中見啼嗥門外吏怒嗔豈無凍餒憂天遠不可陳
我初聽此語迴思一顰呻國家昔平治九土貢賦均
中間致茲變主吏失撫循須知奮挺徒原是負耒民
虐之乃為敵愛之則相親此邦固易治風俗自古淳
柰何不加憐使作涸轍鱗因留告老翁無為重沾巾
歸當率子弟努力耕作勤除書已報下太守今甚仁

暮行園中

我懶不自耕廢地茅屋東雨露日夜滋鬱然長榛叢
翳：荒蹊長瀨：暗留通時因讀書餘曳杖行其中
爭晚集乱雀吟秋賒微虫幽興苟自愜芬華詎無同

容身有此所孰謂吾道窮

秋風

秋風屋外來落葉紛我傍不出門
几日我樹如此黃但覓成懶性
焉知逝顏光朝食止一盂夕卧
惟一床仲尼欲行道轍迹環四方
而我何為者不與世相忘

秋雨

秋雨乱我竹堂中：夜驚昏、起復卧策、坐且鳴
未分醉夢狀寧辯竹兩声初欣似張樂終惧如聞兵
既覓兩皆非古槩耿自明悟彼事亦然胡為勞我生

題尹明府所藏徐熙嘉蔬圖

少賤習圃事種蔬每盈疇深根閱玄冬老葉凌素秋
採擷風露餘山庖足嘉羞故園經乱後蔓草日已稠
野水流畦間虫聲暮啾啾披圖似見之惻愴起我愁
食肉豈無人斯世誰與謀君多恤民意毋忽歲饑憂

大水

吾鄉為水國自借春漏天今年尤苦霖冒此上下田
老農愁相告無有三十年東江十門流北屋如敗船
夜卧床屢移晨炊釜常懸涼風吹蒲稗群鴨鳴我前
茫：失川途出行竟回遭斯民欲昏墊天意豈不憐
陰陽致乖沴孰能究其然歲飢尚勿憂黽勉當食鮮

白水冒我田

白水冒我田風雨無休時十塢屋上鳴貧家起何遲
溝壑知不免順受胡可辭有酒我自斟有粟妻自炊
且盡今日歡勿顧明日非商歛出金石愧無聖人師
秋日寓東屯農舍四首
我本東臯氓偶往住州城茲來卧農舍頓愜田野情
如魚反故淵悠然樂其生臨去謝主媪重來自蒸羹
我非催租吏叩門勿相驚

淵：鷄登塢秋稼稍狼籍疎榆蔭門巷景暗煙火夕
田家雖作勞於世寡憂戚况當收穫景斗酒復可適

所以沮溺徒躬耕不辭劇

坐久体不遠卷書出柴閤臨流偶西望正見秦餘山
野淨寒木疎川長暝禽還此中忽有淅怡然散襟顏
遂同樵牧歸歛咲落日間

故鄉一區田自我先人遺賴此容我懶不畊坐待炊
霜露被寒野屬當歛獲時言來微薄入稅駕宿東陂
今年雖未豐亦足療我飢萬鍾知難秬保此復何辭

冬至夜感舊二首

今夕亦何夕悲感何用并寒月初死魄沉：閉城層
憶我為兒時早起不待明踉蹌試新衣上堂拜父兄

于今几何年，節序嗟屢更。中庭風木號，哀多尚餘聲。
空復有兩孩，燈前語縱橫。挽須向我笑，寧解識此情。
昔年偶失路，羈後戎馬間。南行越重江，歲晏不得還。
風雪此夜中，投人宿荒山。豈無壯士懷，聞笳亦低顏。
竭來東城隅，寂寞守故關。雖已忘家貧，尚復憂世艰。
安居諒難保，風雨暗荆蠻。長歌深谷翁，邈矣焉可攀。

張山人山居二詠

幽谿入蘿葛，几曲到巖扉。夏鳥深啼處，陰：花墜稀。
知當烟冥後，從此荷樵歸。

右蘿徑

摘芳試新泉，手滌臨下器。一榻鬢絲傍，輕煙散遙吹。

不用醒吟菟，幽人自無睡。

右茶軒

送賈文學北遊

窮年自多感，况復送良儔。落日河上別，慷慨發秦謳。
風塵阻閩山，撫劍不得遊。願逐高飛翼，相與出九州。
嗟彼行路子，棲：何所求。

夜飲余左司宅得細字

春會非有期，春愁本無際。焉知君子堂，此夕相共詣。
燈銷月窺檐，角警霜委砌。舞影怜鶴長，吟声咲蠅細。
隣鷄易催旦，共勸休復寐。喪乱得幽歡，疇云匪良計。

送海昌守李使君遷海虞

兩為海上牧州民定何如彼遮使君馬此迎使君車
但令人買牛不受客饋魚我知使君賢讀律又讀書
送韓司馬赴邊郡

淮陰將家子讀書負奇氣十年執一蠶身從李都尉
此行把旌麾無愧國士知邊風吹白草正是馬驕時
鳴笳引前部落日城西路上客贈吳鉤征人唱多護
近役非臨洮君行莫辭勞欲問封侯日秋來太白高
卧病簡諸友生

抱疾卧東城文墨成久荒翔鴻乍流響時菊忽孕芳
繁陰慘不舒何殊懷積傷良儔秉高誼寡昧豈見忘

車馬限泥濘無由接華觴平居歡固難况乃時非康
何以度茲運相勗蹈其常

施澤阻風

客行阻風濤捨舟步江側荒村經戰餘草木盡愁色
夜投土屋中月出林半黑燧薪燎我衣炊黍作我食
更長閑塞寒歸夢何由得遙想倚閭親中宵淚沾臆
過峽石

青山夾長溪、上有魚市土門閉落日野氣白於水
虎行車迹外鳥起鐘聲裡吳語問居人到州還几里

讀書

世物寡所嗜雅情竹素間憑襟理殘帙樂此終日閒
爰觀姬周衰盛治不可還淫辯相擠傾大道成榛管
巧詐足眩世苟得弗預患羸秦任商君王制欲盡刪
厚賦山澤空亟戰朝野殘流風自斯降誅求困孤孱
是非千萬途欲辨亦已艰賴茲聖冊存足故昏與頑
誰云古哲駕邈矣難仰攀於焉誦其言如造揖讓班
寄語向俗子幸勿叩我關何暇從尔談方對孔與顏
殘燈

凝寒結重暈逼曙零孤朶膏空逐漏水焰在同爐火
恋影未成眠更就餘光坐

贈兗醫吳氏昆季

洗菊夜潭月斲苓秋塢雲偶因念殤者來此市人群
問術或禽戲觀書皆鳥文誰知仙籍裏元有兩吳君
送黃主簿之歸安

我歌柳惲詩送子南汀發山城逢社雨綠樹啼鶯歇
留連孤艇遲惆悵双壺竭高士尚為簿休慚府中謁
無事坐閑廳彈琴看明月

送王推官赴譙陽

久治亂所伏國家失其防初如決洪流拱手徧四方
頻年勞訐謨欲補千百瘡子為京師客忠憤何慨慷

濯冠捧書函平明獻朝堂上言固大業下言振頽綱
且為有萬死 聖明察臣狂臣言倘獲施立能致時
康宸居豈遙遠咫尺天中央鷄鳴列仙仗九門洞開
張謂宜即召見拜起隨班行上殿笏畫地論奏彈敷
詳如何寢報聞不碍瞻清光一官非所願欲令赴蠻
荒徘徊出都門風雨濕曉裝行：過吳洲木葉秋始
黃逢予解鞍飲激烈推酒床平生憂時心辛苦不自
忘頗聞到官所此去路尚長紅日出霧遲孤城海茫
：遺民似猿鹿山谷多驚藏繁英艷躑躅瑣寔堆檟
柳瘴癘况時作投老恐子傷何弗且少留共驚豪華

鄉子咲不我顧翩然決南翔明朝指鯨波高帆若雲
揚去矣各異國有憶徒相望

槎軒集卷之二

槎軒集卷之三

五言古體

吳

郡

高

啟

李迪

著

春日言懷

芳樹何靡々鳴禽亦喈々時物豈不好人事誠多乖
憂來卧閑房語笑孰與偕天道諒不昧薄願終能諧
誰當守貞靜有酒陶中懷

朝臨高臺上俯視崇高下春暉何悠々清川自東瀉

陽和發卉物時澤均播酒如何及芳辰蕭條但空野
願言釋拘局登車聘吾馬曠途不見人憂心何由寫
興謝固其常吾將尤誰者

昔將理歸駕棲彼商山岑達机苦不早終焉成滯淫
迴飈激游氛白日滋玄陰憂居未經時素髮忽已侵
翩々歸飛鴻過我庭前吟無翼與同翔日暮聞梁深
引領望西北徘徊內傷心

季春戴勝鳴薄言農功始荒疇何莽々迨時不復理
蒙籠荆棘間雌雉時決起思我常所經追隨俠游子
偶逢采桑婦々出墟里舊蹊誰能尋遊者竟如水

唐虞罷揖讓爭奪殊未已吁嗟乎蒼生何由免瘡痍

退思齋為蔡參軍賦

雞鳴起趨府事至紛然感應茲苟弗推在理寧免忒
歸來坐深念恒恐有慚德缺政何以禪厚責何以塞
豈徒省厥躬庶用匡爾國昔聞獨樂叟中夜忘寢息
願君守勿渝明々此遺則

來鴻軒為張較理賦

高鴻本真飛不墮虞蘿裏朝度雲中閣夕游湘江水
驚風吹行斷儔侶忽萬里哀鳴將何依荒澤難獨止
集君華池側梁稻豐自美響度風脩々影沉波靡々

充庖知不忍善惠念終始願君儀天朝修翰共奮起
曹氏春江雲舍

遙波靄微雲禽寒少相語君家在空濶欲往迷洲渚
紛々樹離霧稍々花消雨日暮坐相思江東渺何許
黃君鴻山書舍

伯鸞鬻春地井臼有遗迹之子學幽棲託迹在林石
清風竹林曉片月蘿迺夕遙想一齋堂圖書滿床積
贈銅臺李壯士

我祖昔都鄴神武為世雄至今三臺下子弟習古風
問君家何方紫陌遙相通雖云此相遇情與鄉里同

君有力振虎勇氣聞山東匹馬輕俠遊刀環綴纓紅
正當兵塵起思立方寸功不從董徒兒欲縛蕭老公
凌厲越宋土逶迤出齊中時人不相顧棄之若秋蓬
我豈白面郎少年亦困窮起為壯士歌迅商薄高穹
初飲五斗盡再飲一石空與君豈樂禍西方見妖紅
莫謂着鞭晚艱難殊未終

贈松江張主簿

離々平阜木纂々林橫
客行愛樂土秋晚華亭道
停燭春紡遲鳴榜潭渙早借問何能然
年來縣官好
送臨海李提舉

髯君孤真士與世頗異儔不交金張家而獨與我遊
我居在君里衡門閉深幽十年誦詩書進取杜自謀
名藩多英豪光彩溢道周朝逢將軍車暮避刺駛騶
皆云意氣盛官高富春秋良辰競為樂廣席羅珍羞
君獨日暮歸歸貧乃與我侔雪畦寒蔬茁冰盞春蛆
浮高堂可燃燭談詠相賡酬中間阻清歡離別良有
由我尋江干宅君赴海上州老馬從瘦童人皆識賢
侯今年見歸旌一咲忘積憂那知遠方賈復此待撫
柔鷄鳴城東門不得送去舟颶風常晝驚洪濤極天
流雖能征重貨可失咨嘉猷君子且在傍願君毋久

留

青丘道中

霖雨江暴溢奔流絕津涯茫茫野田白何由見春華
居人久已亡流萍滿其家昔我過此土極目桑與麻
故道不可尋舟行但葦葭歲凶豈宜客四顧空長嗟

獨步西岡

幽卧意不遑出門聊獨行惻々田野中斜徑多不平
逶迤登遠丘迢遞望高城風交二變動烟迥孤花明
偶逢植杖翁疑是古耦耕欲問恐相諠歸帳中情

三鳥

三鳥生異林相逢偶同飛各矜好毛羽吟弄朝陽輝
驚風動地至群飛各乖違一翔入雲天一落陷虞机
一止田野間蓬蒿藟相依啄、有餘粟歲晏諒不飢
猶惧霜雪侵啁啾獨鳴悲我行見此鳥相對發噓歎
當知皇天仁偏恤尔陋微視陷宜省畏瞻高勿貪希
田間適本性舍此欲何歸

孤鷓

涼風吹廣澤日暮多浮埃中有失侶鶴孤鳴迥且哀
修翮既摧殘一飛四徘徊矯首望灵嶠雲路何遼哉
渚田有遺粟欲下群鴻猜豈不懷苦飢惧彼羅網災

翩、浮丘伯朝從東海來相呼與之歸謂是仙驥材
蔭之長林下濯之清澗隈圓吭發高淚華月中宵開
誓從凌亥景永載昆岡臺

新春飲王七孝廉家

江雨霽江郭寒姿變春華鳥飲已交音梅慘尚吐華
此時高堂上晨起獨感嗟歲換固有常時清樂無涯
蕭、風吹中竹外度遠沙相遇偶一醉今夕憐酒家

絮

輕盈易飄泊思逐春雲乱已拂武昌門還紫伯陵岸
沙頭雀啄墮水面魚吹散官樹曉茫、哀歌腸欲斷

雨中遊寧真道院

盥手理瑤笈清齋坐玄閣夏衣生晝涼急雨和泉落
池消澹、花庭解翻、籜欲去更長謹風林晚鳴鶴
遊師子林次倪雲林韻

吟策頻入院道人知我間尋幽到深處鳥語竹斑斑
林下不逢客城中俄見山床敷有餘地鐘動莫催還
與客携遊寶積山遂泛石湖

雲山擁春郭烟花漲清川看花入山中諸峯恣攀緣
客吹玉管笙合以金柱絃清音度碧嶂松風助冷然
宛若鸞鳳吟要眇入紫煙行人盡矯首響遏雲中仙

下山興未闌相携更登船虹收嶺外雨鳥沒湖中天
嵐翠破夕陽樓閣影倒懸酒傾綠脂膩繪斲瓊絲鮮
獨恨無紅粧清波寫嬋娟微風吹帆緩欲使歸路延
衆賓起歡呼船遡水漫舷回櫓掠寺過楊柳山門前
此地有離宮美人艷當年羅裙罷春舞草色餘芊綿
况我昔此遊冠蓋十里連重来復誰在新知滿中筵
人事既若斯今古俱可憐能遊即春達何須問愚賢
我欲叫馮夷捧月出海邊醉後不歸去相照船中眠

題陳生畫

前村夕陽明後嶺秋嵐積葉落露山村潮來沒江石

遙、射鴈子慘、聽猿客何事下征帆西陵渡頭驛
送芭僧東歸

浮雲與飛鳥相聚安可常偶來雲岩寺几日共徜徉
我去師亦歸澗房欲荒涼池卧孤塔影庭栖双桂香
重過應未期悵然山水長

丁至恭清樾軒

夏雨濯高綠氤氳茲冒軒微涼洒林表沉色泛溪源
羨子耽獨賞慙予嬰衆喧披襟一蕭散憶在郭西園

徐良夫耕漁軒

朝聞孺子歌暮聽梁甫吟豈無滄洲懷亦有畎畝心

昔矣在泥蟠終當起為霖釣獲溪上璜鋤揮瓦中金
茲世方衰乱伊人邈難尋既迷烟波澗復阻雲谷深
嗟我豈其偶聊將舉幽沉惟子是同袍相期莘渭陰

徐博士愛日堂

曜灵趣頽運忽去不待人壯者亦恐衰况乃白頭親
心長景苦短何由尽懽忻當朝慮遂夕在夜俄驚晨
無繩繫飛鳥使之少逡巡置酒上高堂為樂須及辰
此日誠可惜此意良難伸安得延年術為保長春

送張文學之槁李

迴川帶綠樹窈窕有鳴禽江郭去非遠傷離空滿襟

林中古殿靜池上高齋陰應有彈琴士杏花春雨深
送李別駕赴會稽

常別豈不感此別尤可嗟一別一去遠菟斷秋無涯
我何恨別君、猶別其家霜露滿故園不待菊有花
越鳥啼楓林路尽秋日斜到郡且足樂間有山水佳

送蜀山人歸吳興蕪簡菁山靜者

南浦無碧草征鴻晨稍飛何當杪秋節臨水送將歸
既來不能淹君心應好違慙、袂始判遙、帆已微
天高歸樹落人在山中稀還尋同袍者更製薜蘿衣
端居怪雨王孝廉

寡劣時所棄獨卧無與親蕭然閉齋閣左右圖書陳
風雨摧衆芳令人怨徂春豈無尊中酒坐念兩故人
日從矣豪遊雜還車馬塵焉知離居客積抱難自伸

醉贈王卿

持身無可許里閤任浮沉不捧諸侯檄曾辭公子金
斗酒豈辭飲感君知我深誰無旦暮急相周惟季心
贈郡上人

湖雨洗秋碧西南見諸峯中有楞伽僧迥闕超世踪
高風搖飛泉落日帶遠松欲往已知處烟蘿鳴飯鐘
西齋池上芙蓉

池荷已衰，孤艷仍獨在。滄洲遠，旁違風路，妍姿改。
窈窕徒自媚，寂寞還誰待。此地托根，備非無美人採。

詠軒

肅：布華榻冷，罷朱絃。臨檻一流，睇幽事，忽滿前。
池草方依微，庭柯正葱芊。偶尔發歌詠，聊茲寫中愔。
景融理自得，詎辨虫與妍。旣慙至妙意，寂寞非言宣。

刘凝之騎牛圖

夫子初亦仕，絃歌穎之湄。園廬忽在念，解綬言歸期。
方春養孤犢，旣耕亦以騎。春風草茫茫，出遊遍山陂。
田家有美酒，輒醉不復疑。當昔天聖間，日號休明時。

豈無理人術，終思塵鞅縻。嗟今屬喪亂，懷策競欲施。
清芬遠莫挹，載誦廬山詩。

軀瘡

我生東海壖，氣濕素善支。方景忽遘疢，末旬愧消羸。
俄頃水火爭，寒冰繼炎曦。楚續甫謝挾，齊純遷尋持。
戰如恐墜陷，燒若當遭炊。向夕勢漸消，臨風與清池。
旣去謂遂息，明午復如期。俯仰天地寬，無地竄眇軀。
思我貧到病，由是生累嗤。豈伊水帝子，遺威肆相欺。
會當濯滯昏，靈藥雜進施。里閭習巫風，磔鼠功襍驅。
韓子蓋有託，誰能辨其詩。

客有不樂者

客有不樂者默坐空堂幽明燈照孤影對酒焉能甯
風雨忽夜至單衣颯驚秋葉墮已憾：蟲鳴尚啾：
於當屬有念苦願君声收讀書仰千古命駕志九州
孰云吾多智有已不解謀冥飛既難扳苟得亦可羞
守道固寂寞寂寞諒誰尤

和徐幼文與倪隱君贈答詩韻

昔遊紫藤塢空山鶴鳴秋相望隱人居吳闌竟廻舟
迺來獲晤賞玄談劇風流每欲開南軒招我共偃休
天寒鴻雁哀菱荷落長洲豈無一釣船訪子溪水頭

終慙文墨牽咫尺成阻修听雨掩閣卧觀泉上巖遊
朝覽贈答篇詞藻誇兩優味之殊雋咏触手虹光浮
我本丘壑人猿鶴肯見留擬結歲晏期壺觴展綢繆
况聆西澗濱禪宮闕清幽夜看太湖月遲我同登樓
謝陳卿惠冠

佳木產異域質理審且堅斲為野夫冠俄然着我顛
故人遠貽贈皎若瓊瑰鮮覽鏡見雅宜鄙姿忽成妍
持報乏金玉殷勤在斯篇

朱生讀書所

高士寡所嗜雅情竹素間北牕夏陰敷散帙欣燕閒

汎規古始來治忽儼未刪重華去已遠鳴鳳何時還
微言雖能尋往躅那可攀當感既拊膺遇滯亦解顏
詠歌南風前至樂孰與斑方尔对聖矣俗子毋叩關

贈李元修

幼文約余與止仲同宿士明鶴瓢山房為試茶之
會余既入郭而幼文已歸山中士明亦往海上止
仲復以事不赴士明姪元修留余夜話因賦是詩
以書耿々

道人出未歸高士來復去試若失幽期寒齋成獨住
水生洗藥池風動懸瓢樹賴有阿咸矣玄談到天曙

堂下四栢

堂前四小栢羅立二尺長始栽附南墀遠移自東崗
春夏衆草芳翳沒成久荒低枝網虫懸暗葉螻蟻截
不沾夕露氣每隔朝陽光我病廢莫理覽之屢彷徨
玄冬忒嚴候迅風激飛霜蕪穢忽自除鬱然露蒼々
恍若群梟散鷓雛滯翱翔乃知受命正雖若自可強
循步賞勁色撫板挹微香幸滯依我居勿令縱牛羊
他年培養成凌雲孰能量後凋誠足貴蚤厄庸何傷

懷徐幼文

哀鴻乍鳴渚落葉初覆陌故園當授衣却思遠行客

客行日已遠我思日已積東南望歸棹鳥去烟波夕
憂來不成言滿袍空戚々豈無一尊酒黃花為誰摘

會宿城西客樓送王常宗

君來歡不足君去憂何遽共聽楓橋鐘留連恐將曙
蛩鳴故苑草鳥起高城樹明日獨登樓歸帆渺何處

袁氏高節樓

海上有高樓朱甍煥晨光清風自遠至吹動羅衣裳
樓中單棲人憂思起徬徨良匹已久歿自誓不再行
欲取哀琴彈仰見孤鴻翔孤鴻去何極撫景空嘆息
感傷婣娟容思作憔悴色憔悴非一時黃泉以為期

食林

含情不能道聊詠兩髦詩

施君眠雲堂

古并一高士白雲與之儔性懶復好眠招雲宿林丘
下雲作簾席上雲作衾裯雲去稍舒膝雲來正蒙頭
平生無心夢與雲兩悠々自言眠雲樂世無一可侔
浩然身欲飄若乘無倪舟朝至乎帝鄉夕返乎仙洲
寧知日月旋但覓乾坤浮天鷄叫不醒宵々空巖幽
我現山川氣出入不可求或逐鸞鶴翔或從蛟龍遊
或為風伯驅狼藉不得收或遭雨師怒奔走無能休
小生膚寸間大覆徧九州變化寔多狀欲筭苦未籌

柰何一室中尔獨解使留我行塵務區願出久未由
奔足常防危開眼即見愁不如閉戶眠往尋孔與周
愧無山中緣雲肯相從不惟當往從尔一夢三千秋

京口張氏世壽堂

天與下民壽各有百歲期行年不能滿人自傷折之
鷄鳴晨閉開衆車起交馳茫茫欲海中神位那能知
醲鮮薦廣席妍妖貯深帷白日未及終紅英忽先萎
春風北邙原青草冢累累借問其下人得老還與誰
翁家鶴溪陽先朝業書詩一四門葉來俱聞享期願
世壽何獨能世德尤不虧翁今眉生毫益以道自怡

浮榮等飛煙昏旦從變移不嚙華池漿寧食古栢脂
澄現息內想心閒自難衰一牀坐松陰風巾夕披
承顏立侍側亦有白髮兒嗟我生甚晚况復值亂離
故老不復親杖及翁在茲願言拜堂下聽說昇平時

送張隱君歸耕西山

山中久無人秋風挂枝葉朝逢還山客言赴白雲期
人出君乃適嗟哉此何時東岡有良田負耒當自治
四体雖云勞歲晏可免飢而來未能返驅車竟何之
理篋得諸友詩存歿感懷悵然成詠

閑理乱帙中乃泝故友篇顏色見遺翰瓊華尚清妍

憶昨遊名都結交此群賢日枉貽贈詞情文藹相宣
俛仰未十周飄零若雲烟生者應白首死者皆黃泉
屈指俱別離羈愁獨江邊舊懷誰能識洒涕東風前
次韻包同知客懷

我少未嘗事處世百不憂譬如生馬駒奔放安可收
豪華欲縱觀西秦更東周結交原巨先共作緩急投
烏知化紕繆終然此淹留出門遇途人空策果下騶
積雪被岡原大風揚河流撫茲歲暮懷局促誰與謀
君從東方來亦是慷慨儔偶居冷官廬設誦几聚丘
惟火無膏油起歎夜正幽自憐非匏瓜寧不有所求

耻随軟媚子取笑同伶優大言衆皆驚千獻不一酬
空時尋我飲醉捋髯颺君今勿多談已具兩釣舟
鷗波起春江歸路漸可由無為坐自苦素髮寔易稠
浦江鄭氏義門

好鳥勿鍛翼鍛翼難為翔佳樹勿剪柯剪柯難為芳
人生有同氣胡忍自戕傷肯復多支生誰趨急難場
請看鄭家兄為弟死維揚子孫復聚居流芳久弥長
十世一門戶百身一肝腸囊無私藏錢釜有同炊糠
問男何所為讀書講虞唐問女何所為鳴机織流黃
晨吳各冠珮于上高堂聽翁教戒言祇受不敢忘

雖生甌越區如在鄒魯邦兩朝太史筆特書為褒揚
行人問其廬喬木鬱蒼々何須鷄哺狗家昌乃真祥
真祥由德生天心果何常我欲遊麟溪壽翁奉一觴
莫聽豈其詩听歌隸華章

送王檢校之廣東

國士抱玄璞瞽師薦朱絃負音豈不良衆俗迺是捐
勿恤衆俗捐始昧當終喧志士構時心歷說未見矣
朝遊秦關中夕宿漢水壩違々詎無勞亮節要自全
青空撫東師重光麗中天恢業萃群林虛若海受川
眷言屬茲寄遠抗丹徼旃高翰歛飛翻孰泝霸條焉

揚芬貴有烈崇德願無愆願已尚留滯殞涕沾前筵

荅張院長雨中見懷志道

林園寢扉掩閑坐道心生山藥翻寒色塘漪含曉清
乍違枉芳札遠憶愧深情此日知同寂梧窓聽雨聲

秋日寄王太史常宗

媯雌太史自海上入郭因滯追游以叙旧好今日
風雨偶闕晤言棲居早寒懷人尤甚想孤寓僧林
同此岑寂也賦是以寄瞻恋之意

良辰曠清晤穷年秉離憂倏来自海壖諧我心所求
不殊雲中鴈和鳴得其儔宴閣既連席行塘復同舟

坐聆金玉篇鄙拙何以凜風雨戒茲旦居然阻從遊
祇園念孤寓微瘵苦未瘳落葉驚早寒誰當慰淹留
朋來不我諧願已良有由從茲睇停雲夕倚城南樓
在遠分難親居近弥使愁信彼詩中言一日如三秋
登樓看雨有懷

清曉看江雨獨登江上樓人煙與草樹蕭瑟滿城秋
砧響寒稍急鴻聲哀更流故知隔楚塞西望忽成愁

舟中早行

隆、津鼓動江火留餘閃人家未起耕近水寒扉掩
船開鳧鴨散樹吐煙霞歛東郭去方遙青山見孤點

金進士軒前葵

幽園夏雨歇戎葵乍翻風獨於群芳後閑依萱草樊
山艾葉映綠海榴花競紅敷榮午簾側流馥夜窻中
應有傾陽意將軍心正同

春草軒雨中懷王太史

西軒罷琴坐涼思欺白苧、樹聲繁秋風滿地雨
蓮裊少暗馥禽靜多幽語對此闕良儔當惟及傷緒

姚牧林軒

林居孰云陋幽意欣自適隣無醉歌吏室有玄言客
風疎擲當晨月皎琴御夕塵駕衆何淹窮年抱空寂

魏使君見示呂忠肅公回贈詩因賦

公昔隱江夏岩棲避兵革遠挹戴叔鸞清風洒泉石
有時歌梁甫慷慨人未識左丞中朝彥仗節任方伯
北還駐嚴程造廬問籌策知非山澤儒期是廊廟客
硯石繫官舫猿叫月初夕秉燭題贈詩蒲圻淹孤驛
欣：得賢喜耿：憂國戚短章寄深情相投重珪璧
尔來復几年淪落已陳迹公起佐兵運身名正輝赫
侍講肅丹闈專城森畫戟緬懷旧知己永歎泉壤隔
難懸延陵劍空听山陽笛遺篋中截來每誦如再覩
真能重友道未許薄俗易一言不忍忘况乃膺寵錫

小大固可知令人義肝激

東屯即事 併在前寓東屯四首中

朝服久已解儼然山澤癯欲狎林下人相歡混賢愚
朝來此水濱高歌步踟躕忽逢一田父舍耕拜路隅
疑我是長官惟我体貌殊我已忘所有彼我未忘欤
不能使爭席心愧禦寇徒

暮途書見

暮歸東市門道路聞悲啼駐馬一借問荅云征人妻
征人新戰歿歛恨黃沉泥有兒在哺下飢來食無糜
誓將割慈愛棄去從東西我看巢中燕雖長隨毋飛

皇天仁萬物兼照理弗違此獨何竒偶不能与之齊
躊躇去復顧使我心肝摧

槎軒集卷之三

槎軒集卷之四

七言古体

吳門高啟李迪著

松隱居為戴叔能賦

江邊柳樹溪邊花晉處士宅秦人家秋風忽來春雨
過坐看衰落俱堪嗟山中相依歲年久羨君獨結蒼
髯叟短褐長纜不解耕蒺苓作食花為酒我今身似

浮雲間正合著在長林間明朝倘許同棲泊便擬飛
隨白鶴還

愛竹軒為陳惟寅賦

匡山老客何清真自繞園屋栽蒼筠年來無肉雖苦
瘦家有万玉誰言貧一竿護惜不忍剪何以持釣橫
江鱗僮來掃葉自可喜客至踏聲長遭喚輟啼罷
結遠夢碧雲忽墮湘南春涼陰脩澗潤琴硯濃翠冉
沾衣巾詩成時向節下寫醉墨點烟破痕新風來
清嘯与相答若听金奏怡我神知無顏色媚兒女自
古相愛惟幽人花陽陌上花易過歌鐘競賞勞車輪

何如此君最耐久歲晚結托同情親
亂聲朝來簾外雨踈影夜拂牕前塵
我嘗種此欲免俗亂後伐盡惟荆榛
故園咫尺未能去移家幸得為子隣
往來倘許如二仲猷門借看毋嫌頻

和杜彥正徐幼文過甫里

菀花紅雨春江狹舟逐飛鷗櫓
雙夾甫里祠前有客過竹弓
莫射能言鴨我今塵夢何時歸
水漲夜沒祠前碣長歌滄浪拍
銅斗誰酌先生一卮酒

獨遊山中懷周履道

借居水北隣雲岩醒遊醉卧月滿
三空山孤愁似放

逐踐蛇衝虎窞幽探緣梯上窺萬仞壁
垂鞭下汲千丈潭稠蘿翳壑變朝晦
恠卉發澗留春酣青山識我豈生客
曾與周子來聯驂是時秋高鶴聲厲
霜降兩嶮繞收楫餘洗足上堂坐手
揮談麈風毯一如今故人亦遠去
帆楓葉暮落吳江南斷崖蒼蘚漫
旧刻往夢追想情何堪巴僧不厭客
屢至篝燈夜禪同一龕風回忽洒石
門雨日出盡消溪市嵐乃知山水有
深趣天意獨許窮人諳我今豈是慕
高隱非才濫進能無慚紫綠種一
去畧盡惟有佳句犹相耽便求安心
向佛祖不待婚嫁女与男

送林謨秀才東歸謁松江守

江城秋陰朝不暉，落葉古巷人來稀。林生何求乃过我，敗屐躡雨投閑扉。自言少習澤宮射，思侶衆士登王畿。風塵失路困漂轉，我豈無志時其違。欲充材官挽強弩，閑塞莫解穷城圍。將從隱者服短褐，霜露難採荒山薇。長年旅舍破繡冷，坐厭蟋蟀愁伊威。諸侯得意尽輕客，顏影竟傍何門門。依南津，昨夜砧杵動風來。烛前驚攬衣，家人倚戶望。應久宿，春未辨悲慙。歸今朝，江帆偶東轉。願借子語為光輝，嗟予亦坐穷作祟。讀書不出遭罵訛，士無賢否貧者鄙。此言信矣誰

云非囊乏黃金可揮贈，有詩寧救君腸飢。雲間使君本儒者，貴顯尚肯矜寒微。倘開深地養病鵠，翼成待看摩天飛。

送張進士祥北上會試

至正戊戌作

國家文治今百年，多士商賚皆知天。南宮坐試二三策，能使海內無遺賢。院門晨開官燭爛，白袍鵠立人三千。上談礼樂祖姬孔，下議制度輕讐玄。臨軒曾蒙宰相賀，雲瑞盡見當臚傳。看花或騎太僕馬，錫宴宴每給司農錢。登朝出牧知几輩，冠佩劍舄紛相連。迩來國運中圯爭，慕死節羞生全。潯陽老守鬚汗赤，山

東大將蒐沉淵迺知儒術王政本至此尚賴扶傾顛
諸生區區抱遺籍草萊竄亡亦可憐南方上公境獨
治鹿鳴更欲與賓筵入場叉手萬言就衆目一葉驚
先穿嚴裝又隨計吏發京城遠瞻北斗連秋風吹雲
別酒吟枯楊淺水閭門邊君行勿亟我有語落日正
在車衡懸窈聞天子側席此去為拜彤庭前揮毫休
奏醴泉頌給札莫賦凌雲篇但當開口論世事號令
次第宜何先坐令玉網復大振乾樞共仰天中旋我
方有志未能往矯首万里雲茫然

謁張中丞廟

延秋門上烏啼霜
鷓奴曉登天子床
江頭老臣淚暗
滴万乘西去關山長
公卿相率作降虜
草間拜泣如群羊
當時不識顏平原
豈復知有張睢陽
孤城落日百戰後
瘦馬食尾人裹瘡
男兒竟為忠義死
碧血滿地嗟誰歲
賀蘭不斬上方劍
英雄有恨何時忘
千年海上見祠廟
古苔叢木秋風荒
摩挲畫壁沉網裏
勇氣燁々虬鬚張
巫歌大招客酹酒
忠魂或能來故鄉

送陶記室兼寄周生

馬頭交語臨長陌
我手持杯君揖策
官槐風起咽秋
蟬日暮偏傷遠
行客故鄉故人離
別多過江相見問

如何軍中莫咲書生怯
還有能當曳落河

送劉冠軍

朔風吹雪復吹沙
壯士此日行辭家
酒酣悲歌和擊筑
四座離人泪相續
黃鵠牽矣其柰何
同心遠別今無多

送董軍咨赴邊

官亭風多酒旗折
獨騎山行滿鞍雪
此時我友去邊城
不是尋常送人別
誰憐磊落萬夫奇
豪氣都因篋內詩
乍見難留十日飯
重來定隔几年期
隨身一劍寒江上
遠事西平莫惆悵
汝祖曾遭布被兒
白頭只

作江都相

送張負外從軍南粵

鷓鴣啼霜海城白
誰掃行車出南陌
刀頭裝得願酬恩
知是狂遊廣州客
擊筑悲歌斗酒泉
遠隨諸將去臨邊
幕中草檄風生筆
馬上吟詩月在韉
秋声万里隨征鴈
南北長江竟誰限
明朝若上越王臺
應有中原文陸沉嘆

夜坐有感

一鷓不驚城鼓低
寒雨入竹暗淒淒
東隣夜宴歌尚齊
西隣戰沒正悲啼
此時夜卷誰能問
默坐燈前對

瘦妻

宿蔡村夜起

四更鷄叫七星爛，獨起開門候天旦。
月掛愁邊人影低，風驚夢裡鳥群散。
孤舟發婦寒自泣，破屋老農貧屢嘆。
早食欲發未遑安，客路飄零正多難。

寒夜泛湖至東舍

漁郎港頭初月上，鵝鴨不收菰蔺響。
隔湖烟寺遠鐘來，居人尽歸吾独往。
寒風蕭蕭寒浪生，舟中欠載酒壺行。
東家未宿如相待，黃葉青燈机杼鳴。

苦寒書江上主人壁

慘澹欲盡郊原空，北風五日吹沙蓬。
客子東遊骨肉遠，主人頼有江邊翁。
青燈白酒同傾瀉，醉擁布衾茅屋下。
中宵不敢愁苦寒，犹有穷年遠行者。

次韻徐幼文詠雪禁体

邊城雪埋深沒斲，風旋餘花吹酒盃。
几人所虜渡冰河，直指弯弓不能滿。
我方高枕听蕭瑟，却喜今年瘴全浣。
寒添柳院甕春遲，明透竹窻知夜短。
未成豪飲圍翠袖，且辨清吟呵象管。
鋪庭擁路掃難開，三日不消應待伴。
翻疑塞北雲正冷，可信江南地先暖。
愁風小窟僵蟄虫，驚折危柯殞巢卵。
林中樵絕暮無烟，野

外獵未晨有曠趙女依稀舞態斜
郢人寂寞歌聲斷
此時自嘆少清歡
月下閉門誰解款
山居老客雖苦
病放曠
犹能類中散
長鬢踏雪送詩筒
白戰令嚴烏
敢緩開簾尚恨不同賞
醉看帽歌仍褻袒
祇期明日
有晴暇
遠訪梅花須勿懶

次韻楊孟載早春見寄

雪後西園韭初剪
流澌晚動春塘淺
閉門有客抱深
愁久不題詩
硯生蘚
風塵健兒誇得意
獨坐寂寥誰
所遣
應緣少季與時違
不習弓刀誦文典
城中物貴
市門靜好事
犹能具盃盞
琴堂朝夕共清歡
大白頻

浮不容免鈴騶已遊賓
客醉深夜垣扉罷
高捷一燈
留照對床談
沸鼎松聲烹綠薺
五更上馬子先去
擁
被獨眠
窓日現起聞啼鳥
忽吳發欲往江邊
雲隔嶽
人家旧燕尽巢林
草滿長洲綠
遊輦春耕咫尺阻
歸
計野水自流閑
澹畎吾鄉繁華天下
稀花柳村々隨
步轉久聞離亂今始見
煙火高低變
粳粢登臨吹笛
散群羗
此事空嗟千古鮮
朝來風雨况凄黯
雨濕城
頭旗不展
隣里衝泥構
役夫縣官不肖
怜疲喘
安居
且復俟時寧
出豈無能非退
倦范庄紅杏几株在
好
待開時同折
撫對花憂患不須言
剝喚一杯供脚軟

賦錢散人江村二題

臺前夜半烏啼時起望明月彈商絃月來照見臺上
影松挂滿山風露冷

右望月臺

江流欲漸魚不起一蓑獨釣寒蘆裏渚村茫、煙火
微雪滿晚篷人獨歸

右釣雪灘

題中宗射鹿圖

赭袍玉帶虬髯怒人如真龍馬如虎英風犹偕天可
汗肯信昏孱困常武上林草綠聞呦、飛鞚辟歷捎
長楸畫旗圍合晚犹獵後庭雙陸誰行籌追遊不記
房陵辱五王謫來勢犹独空誇大羽發無虛不射妖

孤射生鹿画圖令人生感嗟天室回首飄胡沙神孫
早解習祖藝不遣銜出宮中花

趙希遠畫宗杭京萬松金闕圖

長松掀髯若群龍下逸宮闕雲千重鳳凰山頭望前
殿翠濤正涌金芙蓉海門日出潮初上白鶴飛來近
仙掌百官候綴紫宸班露滴朝衣氣森爽漢官楊柳
唐公花容易零落空繁華何如可獻至尊壽茯苓美
似安期瓜璫輿因恋湖山好樓閣清陰勝蓬島不知
風雨汴陵前虜卒新樵几株倒當時榻前初進圖黃
金趨賜聞傳呼何年流落在人世父老犹看思旧都

客行近過吳山下落葉空林惟敗瓦豈無畫史似前人秋色淒涼不堪寫

菜邁為余唐卿賦

柱桐里中君始歸菜花蒲園黃蝶飛桔槔倚樹長不用江南雨多山土肥方畦獨逸看新綠晚食何須尚思肉翠縷登盤春韭香金釵出盎冬菹熟我家亦在萼菰鄉秋風便應隨共嘗厓州司戶成何事回首空愁足萬羊

海石為張思廉賦

大星墮水声若吼祖龍夜叱神羊走誰將五色補天

餘屹障狂濶歲年久空憐山頭精衛鳥身墮風波衝不了媧皇去後几桑田鰲背靈峯一拳小

雪海為楊孟載題

楊常夢過海見大雪因以自號云

江國黃雲閉寒節一鳥橫歸暮將絕聞君何能海上遊方傾茫々看飛雪人間熱惱相煩煎清夢遠追欲群仙鯨波無窮只飛渡此夜不要山陰船蓬萊玉妃下相見白鳳踈翎吹落遍月薄烟空看不分拂袖時驚有餘片濤頭忽湧千崔嵬恍疑積迥高城堆齊州遙望皆一色却咲此水真銀杯瓊臺苦冷誰能宿竟後應愁躰生粟路断那堪問碧蕊歌殘犹記听黃竹

回頭弱水淺復空飄花倏滅隨春風迺知何者非夢
幻雞鳴旭日初生東

鳳臺三益圖

元集賢待制馮海粟公自號瀛洲客常被出遊金
陵登鳳凰臺作詩吊李謫仙好事者為圖索題之云
謫仙昔作供奉臣詩語不合妃子嗔奎披無地容侍
直錦袍來醉金陵春金陵臺前鳳凰去西望長安竟
何處江声空打石城潮山色猶橫歷陽樹騎鯨一去
五百秋花草蒲廷埋春愁瀛洲老客綠玉杖咲領賓
客還來遊才氣風流頗同調曾入金門待明詔當年

流落不自悲却問前人欲相吊可憐二子遭清時放
逐江海空題詩賴有高名足難朽何用粉墨他年畫
夕陽欄檻登臨後誰復來遊酌盃酒瘕痕寂寞隱蒼
苔棲鳥啼滿臺前柳

儀奎樓

淮南張閣家架旧有樓在儀奎江上

經兵燹已廢与予会吳中乞追賦之

秋風常歎遠遊篇樓中牽首招飛仙山奔海瀉尽供
覽逸思每出孤鴻前雕闌一別應非昨几度淮南桂
花落酒酣却作望鄉人那得東歸似黃鶴風景如今
總厭看客愁何处更凭闌欲問日邊知遠近浮雲回

首蔽長安

明月舟 秦郵呂隱君題所寓之室曰明月舟蓋取甍社湖中有明月之句也

明月非月舟非舟問君乘之何所遊風多浪高徧處
日暮欲渡令人愁此鄉偶侶淮南住醉客每來歌
白苧夜深天黑夢神光几箇驚烏落高樹君才照國
不照車何用尚隱江湖居嗟予未識青藜杖願借舟
中卧讀書 秦郵一可捨以共一可了

約王止仲遊范家園看杏花

去年春色近清明萬匝煙花夾曉城西陌相逢車馬

問何人不是踏春行今年人迷去年道風雨不來花
自掃僧是庭空半紫苔候家宅廢皆青草縱然無主
一株存憔悴塵沙不可論野外日斜啼鳥散消愁無
處却消菟魏公園林芳塢下聞有柔枝正堪把休言
亂後少花看得到花前人亦寡明日尋君、莫遠共
隨游蝶弄晴暉閉門夢斷江南晚忍見迢、春自歸
同周思義過幻住院看梅

郭西雪後尋僧院短竹穿沙水如練梅花有待我儕
催十日春寒未開遍忽思前日渡江水夜解帆征宿
山縣偶逢一樹在官廨為寫新詩水滿硯關山夢別

今五年縞袂誰家月中見自慚衰亂尚飄泊淚眼如
看故人面黃昏酒醒逐寒影繞樹千迴意無倦南枝
北枝亂如雪未許東風吹一片名園桃李盡荆榛空
谷獨開君莫怨重來省視面何如惆悵歸時有餘戀
和衍上人觀梅之作

籃輿偶出青山郭寒雪初晴凍雲薄梅花一路几千
株半發園林半村落夜窻轉曙鷄欲驚寒谷回春蝶
應覓浩蕩才迷醉客魂婵娟更伴幽人樂我來如蝶
東西飛不敢題詩慙華閣歸如落月照書屋重覓餘
馨夢難托高僧已澄法眼覩也愛一技供寂寞便拖

藜杖猷竹扉遮莫人嗔賓客惡風雨休嗟已亂飄世
間何物長如昨

虎丘行和朱高士遊山之作

我謀我隱西郭西讀書坐竟長身低出門到寺纔數
里野水沙竹生秋暉恨無酒舫漾落日百錢行自懸
青藜時危未卜安宅幸遇勝地須攀躋山中况逢
暑雨過枇杷樹高陰蒲池只來即遊吳即迎送豈
要山僧知兩崖石根下挿水綠藤倒拂風生漪空堂
朝鼓起龍蟄高塔夜鈴驚鶻棲人生在世本為客隨
意且留何必歸丘陵莫嗟今日異城郭更恐他年非

蒼茫万事孰可問孤鳥已沒空煙霏念君不遊何所
為作字寄我如張芝真娘有靈應大咲把酒豈不延
題詩秋風今朝動江浦掛席正是當年期与君一吊
吳廢迹荒臺古樹聞鳥啼

次韻荅朱冠軍遊城西之作

前年城西作冶遊柳條拂蓋花迷舟笑看明月問狂
客我牽大白君當浮去年城西復偶住酒伴家：邀
即去東隣寺裏花正開半醉半醒遊几度今年有花
愁独尋閉門三日卧春陰將軍小隊遊何處日暮空
听車馬音臯橋泰娘殊窈窕為我喚來歌水調客愁

草々不易除世事茫々本难料玉壺一双秋露傾唯
此可以陶吾情醉歸共歇草中石咲擘弓絃霹靂鳴
晚步西郊見駕鵝群飛

平煙漠々天蒼々牛羊不收野草黃駕鵝東來高作
行晴空忽墮數點霜紫塞碧海遙相望下視鳧鴨愁
陂塘書生見此心欲狂便思呼鶴上馬馳鸛鶴之裘
自倒披箭声脱弦鳴鷓鴣遠翻正落双叅差仰空拍
手誇絕竒豪氣服殺并州兒也勝閉門坐詠詩

北郭秋夜喜徐幼文遠來兼送南遊

東海徐君我同里日共周旋按冠履斯人自是真可

哉

成化丁酉蜡月望吳晚生張習拜手謹書

槎軒集余向收諸郡故家惜首尾多缺無
從補全頃書友携此冊來幸完好遂
兼蓄之而手鈔向所缺失者惟附錄
下憚煩未鈔以此為正本也可

戊辰春三月二十有八日復翁



迷碎落金蟲夜愁寂素娥旧栽無兩鬢
滿空熏羅不爇象籠火人倚画闌清影中
蕙蘭暗泣幽馨歇只有瑤芳占涼月

題朱澤民荆南旧業園

睢陽醉磨一斗墨夢落荆南寫秋色
太陰垂雨尚淋漓哀壑回風更消瑟
楓林思入煙霧清湖水愁翻浪波白
溪上初逢夜老航山中遠見先生宅
林田半頃連芋區茅屋三間倚蘿薜
僧來看竹乘小輿客去尋苓借高屐
任公臺下石可坐周侯廟前路曾識
虎迹時留暮苔紫蛟氣或化秋雲黑
城郭當年别已久風

塵此日歸不得落日書齋半壁明
画圖卧对空相憶

金華葉山人煮石山房

山人不飯粳稻香咲指白石為饑糧
金華之石犹可食元是旧牧初平羊
荆榛拾歸夜深煮自言久服能輕
拳但令隨處有雲根不問青天旱
無雨我生無力耕西疇硯田欲苦
抱飢憂便當從君孝此術絕勝乞
米監河侯

蕭山尹明府吳越兩山亭

憶昔看山吳越遊酒酣鼓棹江中流
左招舞鳳來百里右顧卧龍橫
半州崢嶸兩旂不相下氛翳淨掃當

高秋文身鳥喙昔分處有國本是名諸侯區區仁暴
固無異朝吞暮併山應羞不知千載竟誰主伯氣倏
與飛烟收迤來此地有兵甲風景頗似當年愁黃雲
蔽天道路遠我欲再尋應莫由聞君作亭壓是境坐
獲衆勝非窮搜江長不隔飛鳥度峯多欲障斜陽留
廢吳自古屬造化登臨未須生百憂但當矯首望東
海一杯笑牽邀浮丘

贈丘老師

長春之孫具仙骨袖有蟠桃食遺核平生不吝燒汞
方唾視黃金等何物蒲城誰識旧庚柴白髮人中似
鶴長時上高樓惟獨醉榴皮書破壁塵香

贈禱雨步鍊師宗浩

白頭道士騎一鶴手把青蓮下寥廓人間又見海田
枯十丈黃塵沒城郭昔年服事茅長君能役人鬼呼
風雲下為群生掃旱沴雨工驅起如羊群陰雷填
天欲怒靈飈吹旗紫壇暮書入重閣虎豹開壁沉古
井蛟龍護瀆吏甘澍何滂沱十日不雨應無禾祠官
空為大雩舞現女羞作迎神歌明朝師歸定何許雲
裏懸珠大如黍更煩夜起把天瓢翻作東南洗兵雨

贈陳孫兩義士歌

泉南兩士陳與孫少小相約為弟昆合踈成戚契誼
重異水纏結如同根升堂握手出肺腑交拜二母開
壘樽具舟期賈海外域欲度夷燹窮崑崙滄溟東望
浸天爛颶風怒捲波濤渾天吳恍惚出怖客掀舞蛟
鱗飛鵬鯢孫言陳宗惟子在遠巨涉險吾宜奔汝親
白頭倚門切慎勿輕去遠晨昏相讓不得乃更往挂
席遙指扶桑瞰望山行覓島中國卉服通譯侏儻言
尋烟暮投薜荔屋趁墟晝集枕榔村踰年還家喜得
室木難火齊并瑤琨深農用取兩不較胥：彼我誰
復論急難相緩誓終始歲時宴慶烹羔豚義風久已

動殊俗推結相見知欽尊我聞同氣有爭利闕墻往
：隳家門又看結交許歲晚盟盤未撤渝情恩管鮑
居貧共乃濟餘耳得勢終相吞若茲二子古亦少簡
牘可使他年存作歌為繼王子傳薄俗視此庶堪敦

贈賣墨陶叟

龍井老人稱墨先有家近住荆溪邊鐵臼秋鳴竹屋
雨瓦溝春掃桐窓煙玄玉初成敢輕用万里豹囊曾
入貢日長小殿試烏絲迸出驪珠光欲動世間潘李
今已無黃金蒲篋爭來沽詞臣供寫上林賦画史藉
作瀛洲圖文物年來破凋弊表亂誰言少知貴便須

從子乞雙螺醉草檄書磨指鼻

茅隴雙夏山過雨圖

前山冥々雲欲開後山隱々猶聞雷江南六月風雨
過樹暗不見巫陽臺奔湍衝斷石橋路下瀉谷口相
喧虺陰開林壑鬼神去氣濕石洞蛟龍回人家出門
看新霽泥封墜果多楊梅漁樵欲歸謂已暝返照峻
壁蟬鳴哀山中此景誰解寫茅翁素有丹青才新圖
一片似海岳高堂未展涼先來嗟予久逐揮汗客蓆
帽障日趨黃埃問翁几欲東遊去如此畫圖安在哉
錢舜奉畫摘阮美人圖

圓槽象月脩寒玉暗貯宮商滿空腹美人和恨抱秋
風偷寫琴中舞鸞曲傾鬟低黛几娉婷夢約湘娥倚
竹听滴尽冰盤老蛟淚阿咸帳底醉初醒梧桐葉翠
萎蘭紫仙澗流雲含玉子甲屏難障夜深寒恐踏驚
鴻忽飛起不識人間出塞声瑤臺别有斷腸情調終
人去哀絃歇挂樹烏墜啼斜月

槎軒集卷之四

槎軒集卷之五

七言古体

吳

門

高

啟

季迪

著

送張明府之官雲間

鱸鄉亭前楓葉稀讀書堆下征鴻飛孤城迢遞秋色裏作官自好休思歸扁舟晚待潮東去琴鶴由來是家具別意方留江上杯離心已掛雲間樹如此風流一使君文章政事更何云絕憐退食兼榮養不向天涯望白雲

送王邑長彥強

雨昏沙淑菱葭濕離人暮逐江鴻集煙路逶迤一帆入懸齋明日想秋吟古城高樹清砧急
欲訪李孝廉至姜江遇風而回

船頭曉日浮江面東望青山是委縣尋君此去愛潮平出浦那知風色變烟雲翕忽波浪湧指尺漁村已難見高樹巢傾鶴鶻愁深潭窟徒蛟鼉戰舟師拔柁苦無力帆勢如蓬几飄轉中流不進却歸來握手何由遂初願人生會合應有時天意茫茫吾敢怨

姚烈婦吟

城頭黑雲如破屋車走爭門折千軸姚家新婦亦東逃舅姑驚惶兒女嗥自知教口唯俱免欲渡前溪舟尚遠囑夫棄妾當奉親獨赴清流不受身此日誰能問南史如婦曾書几人死

題陳節婦

節婦姓孫即人陳已父之妻也已久客死節婦守志其孫彥遜求題賦此

嬌兒嘯語羅幃暮銀燭搖光夜香度狂風忽起海東頭
吹斷蘭舟去時路去時豈惜千金軀煙濤竟沒珊瑚樹
精衛冤深水更深身小天高向誰訴寂寞塵奩掩鏡光
可憐不復照晨粧塔前莫剪青草生死終身不下堂
中素幔空時祭賴有孤兒拜虛位白日哀思眼不乾
夜枕還流夢中淚妾本孤桐斷作琴一絃只作一絃音
逢人不奏鳳凰曲別鶴離鸞夜心

听南康陳協律彈楚歌

我聞楚客彈楚声初絃一揮邊馬驚嗚咽哀音動寒

月正如歌發漢軍營：中一曲还漸理想見徬徨帳
中起美人掩泣壯士悲宝剑無光黯秋水凄凉未弄
情欲終應憐歸騎阻江東盖世英雄竟如此遺調空
留感人耳四座相逢今夜听霜風忽来庭樹零無言
有愁俱酒醒

鼎吳興沈墨翁贈墨

南朝墨法称奚家相國謬費盈連車堆金欲沽世已
少至今好事成咨嗟潘生後出亦奇絕峨眉仙子嘗
相誇紫殿曾供寫飛白玉堂每用書官麻人間留歲
敢輕試傳玩正比龍團茶沈翁遠得二子妙珙璧自

美誰能瑕徂徠老節燒欲盡
万杵夜搗玄霜華錦囊
贈我笏在几光恠逆屋驚
早鴉一餅團未磨缺似
月食盡逢妖蠶此物宜歸
大手筆濡染竹帛垂無涯
上當紀頌聖公德下可論
載臣忠邪我今才薄况病
退破硯久棄塵生瘞一朝
得此復何用慙註魚豕箋
虫蝦摩挲忽動揮洒只聊
吟險句追島嶼高堂淋漓
為君掃醉污舊賜官袍花

京師苦寒 洪武己酉

北風忽發浮雲昏積陰慘
惻愁乾坤龍蛇蟄泥獸入
穴恠石凍裂鼓生痕臨滄
現下飛雪滿橫江渡口驚

濤奔空山万木盡立死未
覓陽氣回深根茅簷老父
坐無褐奔首但望開朝曦
苦寒如此豈宜客嗟我歲
晚飄羈魂尋常在舍信可
樂床頭每有松醪存山中
炭賤地爐煖兒女環坐忘
卑尊鳥飛亦斷况來友十
日不敢開衙門竭來京師
每晨出強逐車馬朝天閣
歸如顏色黯如土破屋暝
作飢鴛躄陌頭酒價雖苦
貴一斗三百誰能論急呼
取醉徑高卧布被絮薄終
難温却思健兒戍西北千
里積雪連崑崙河水踏碎
馬蹄熱夜斫堅壘收羗渾
書生只解弄口頰無力可
報朝朝廷恩不如早上乞
身疏一蓑歸釣江南

村

賦得烏衣巷送趙丞子將

差々無羽多光彩鄉國初辭度雲海江南門巷有題
名識得當年故巢在春風三月滿京華甯入尋常百
姓家隨鶯已過龍河柳引蝶還穿鳳苑花綠蕪芳草
長干渚樓閣初晴社前雨江邊今日有離筵留人看
上牆頭語

京師重午懷彥正幼文

去年歸鄉過重午柳雨莎風蒲南浦自蓮閣上与君
吟遙憶徐君隔淮楚今年風雨又端陽却在秦淮憶

故鄉徐君已歸若相見應言前事一淒涼客愁欲斷
翻長嘆人事推遷古難料明年未省又何之一杯且
听江南調

奉遊西園 命賦二題

海山巨獸堪乘戰番使前年遠來獻寶纓纏絡錦襜
垂拜舞如人向金殿仙仗時巡出鳳城奎輿頻駕不
曾驚有牙莫畏焚軀禍 天子深仁愛尔生 象
日暖吻々草際鳴養馴未省見人驚雲山別却銜芝
侶來向朱闌花下行旧毛雪白新茸綠曾在宜春苑
中畜凡人逐走向中原輸与吾 皇称疾足 鹿

芥舟為陳太常賦

估客海上誇乘風大編遠戛龍魚宮帆如飛雲落天外不假羽翼行虛空驚濤拍山撼難動安卧每到扶桑紅回頭却笑垂釣子斷溝老葑流孤蓬烏知達人解物表坐視大塊舟航同風輪晝夜不停轉元氣下載浮鴻濠泰山亦與一塵等何以巨細論雌雄君今齋居那苦小自比置芥坳堂中將身便欲入間無險語乍出驚愚蒙我聞懸珠納万象此事尚覓勞神功万千毫髮尽非有幻相欲別誰能穷君行莫鼓万里柁天游閉户随西東何須更待積水厚區々往問南

華翁

為石城朱氏題梅雪軒

石城山居梅万塢冒雪曾來扣僧户爛然如見會群仙白鳳繽紛下瑤圃數片輕吹着髮華乍看是雪又疑花迷魂乱眼春如海那辨南枝映竹斜独披鶴氅穿林去凍壓寒梢應几樹听響方知夜灑時聞香始識繁開处回首春風憶旧遊夢尋歸路隔羅浮年来驢背無詩思醉踏塵埃空自愁聞道君家溪上下玉蕊瓊英巧相亞履跡誰來東郭朝笛声不起南樓夜翠羽驚啼莫怨猜破寒宜共一尊開雪晴花發顏相

記我亦扁舟乘興來

董元卧沙龍圖

人間滴罷天瓢水
歸護玄珠卧沙裏
空潭白日不聞雷
雲霧俄隨轉身起
誰言北苑筆意精
頭角破屋將飛騰
細看圖画何須恐
曾謁真龍朝太清

贈治冠梁生乞作高子羔旧樣

野人散髮秋半稀
小冠宜着称苧衣
亦嘗京國被恩澤
朝簪乍脫歸田扉
進賢峩峩在頭上
此物須當付鄉相
閉門方欲誦詩書
煩君為製依吾樣

為吳邑曾令賦南州野人

南州沃壤非泥塗
清泉流渠歲不枯
若人抱耒蘄水
上始志自比躬耕
徒幸逢堯舜可在野
起縮墨綬耒東吳
一鞭不驅兩後犢
兩鳥已化空中鳧
郭西春耕布穀語
柔桑綠雲連太湖
下車殷勤告父老
勸耕為汝犁先扶我本野人
偶叨祿向汝未忍施鞭
蒲五風十雨和氣應
勿遣寸土生蒿蕪
太平村落鷄犬靜
社飲自足歡妻孥
但當相率了官務
莫勞縣吏來催租
民言此令善教我
斗酒相壽歌鳴：共問野人竟誰是
堂中鳴琴賢大夫

題武昌魏孝廉所藏畫

楚山遠吐叅差碧虛閣開臨繫船石沙樹凋時鄂渚
秋江鷗沒處湘潭夕閣中幽人坐讀書；声入水驚
龍魚欲吹短笛相尋去黃鶴磯頭好待予

題勾吳韓長司所藏畫

叅卿昔佐西安幙騎馬看山時出郭終南太華勢最
高橫作青雲掃寥廓秦川漢苑万里開酒醒望遠登
荒臺日斜渭上歸人渡暗岳閣中飛雨來此處奇現
絕天下何事歸來犹看画；中小景似江南黃葉漁
村見煙舍莫恋江南真故鄉蓴鱸炊熟酒船香美人
不是滄洲客去；宜登白玉堂

米元暉雲山圖

海岳老仙非画工自有丘壑藏胸中阿兕揮洒亦莫
比妙趣政足傳家風敷文閣下圖書靜旁入空山蒼
衣冷起拈絲筆寫幽縱一片飛來楚雲影彷彿三湘
与九疑翠峯犹抹二蛾眉水生江上鴻歸後樹暗沙
頭春去時蒼；遠渡連平麓煙火參差几家屋林深
谷靜断行人惟有禽声啄枯木偶向高齋玩此圖断
縵犹費百金沽自緣絕筆人間少如此雲山何處無

高彦敬雲山圖

尚書生長燕臺下慣識風沙草漫野何由得見水山

鄉煙嶺雲林遠能寫平時四海作宦遊高吳最愛江
南秋霽溪清曉剡溪晚閑解狂轡尋扁舟此中謝屐
曾經處半是啼鴉棲宿樹斷橋旗下問農歸遠寺鐘
邊訪僧去風流一沒歲未遙坐覽遺迹成前朝何當
遍覓畫中景聖恩已許從雲樵

范魏公手書伯夷頌為其裔孫天章題

有宋名臣誰第一公為國家真輔翼豐功茂烈何煌
煌信與日月爭輝赫力扶風化成唐虞若推志謨同
契稷平生文詞耀金石乘暇亦常躬翰墨丰姿勁直
儼端人氣韻剛方著心畫伯夷况是聖之清貪夫可

廉懦可立當時書寫豈無謂要示後人為鑑格三百
年來筆尚新敬翫如親覩顏色世間至宝誠難得貽
尔子孫宜什襲

江上看花

兩年京師不見花青衫白馬驅塵沙今年江邊偶無
事狂醉爛熳尋春華遊蜂飛蝶日妍暖紅紫正發紛
交加穿溪每入隣媪圍叩門或到山僧家漸老都無
少年樂底用簫鼓隨行車攀條逸樹对吟詠不忍歸
婦去至日斜花應得我相慰賞似咲欲舞爭誇我
如無花亦寂寞閉户有酒誰能賒夜來茅屋卧聞雨

曉起走看成洛嗟飄英墮萼不可綴餘艷只侶銷殘
霞明知春色不久住豈料便去難留遮野鶯啼罷一
回首恨与草芳盈天涯

長短句

題黃大癡天池石壁圖

黃大癡滑稽玩世人不知疑似阿母傍再謫偷桃鬼
平生好飲復好画醉後洒墨秋淋漓嘗為弟子李少
翁貌得華山絕頂之天池乃知別有縮地術坐移勝
景來書帷身騎黃鵠來去遠縞素飄落流塵緇穎川
公子欣得之手持示我請賦詩我聞此中可度唯玉

枕秘記傳自青牛師池生碧蓮花千葉光綠離服食
可騰化遊空駕雲螭柰何靈跡久悶藏荒竹蒲野啼
猩：尋真羽客不肯一相顧却借釋（管）子茅茨我昔
未遊早春時雪殘衆壑消寒姿磴滑不敢騎馬上青
鞋自策桃筇枝上有烟蘿披拂之翠壁下有沙石蕩
漾之清漪晴天倒影落明鏡正似玉女曉沐高鬟垂
飲猿忽下藤裊：浴鶴乍立風漸：匡廬有地我未
到未肯与此誰當竒掃石坐其涯公洄引流卮醉來
自照影俯咲知為誰落梅撲香滿接蘿暮出東澗鐘
鳴遲歸來城郭中復受塵土欺十年勝賞難再得恍

若清夢一斷無由追朝來現此圖惻愴使我悲當時
同遊已少在我今未老形先疲人生擾々嗟何為不
達但為高人嗤漢南既老司馬樹峴首又沒羊公碑
惟應孝道悟真訣不与陵谷同遷移仙岩洞府孰最
好東有地肺西峨眉高崖鐵鎖不可攀援以迳上仰
望白雲樓現空崔巍此山易上何乃遺便与猿鶴秋
相期欲借太乙舟夜卧浩蕩隨風吹動簾呼起千古
月照我白髮涼絲々傾玉醪薦瑤芝招君來遊慎勿
辭無為漫对圖画日夕遙相思

媯媯

媯媯子歌為友王常宗賦蓋其號也

媯媯子乃是軒轅之裔虞鯨之孫混沌既死一万年
独抱太樸存窈伏在草野冥心究皇墳早逢三光五
嶽之氣乍分裂天狼下地舐血流渾々鹿走秦中原
蛇闢鄭国門俎豆棄草莽干戈斲崩奔媯媯子便欲
東遊渡弱水沐髮滄海朝陽盆又欲西行迥河漢踰
崑崙山横川阻兩地俱不可以往兮歸來掩户卧旦
昏蔣黍一區注醪一樽妻給井臼見牧鷄豚不詰曲
以媚俗不偃蹇而凌尊作為古文詞言和氣醇温手
提数寸管欲發義理根上探孔孟心下平屈賈魂其
質耀金石其芳吐蘭蓀叩虛峇有響斷險成無痕陸

珍雜水恠變狀弗可論
几年兀不肯坐待
真主應運九五開乾坤
鶴書自天來
幽隱初見
拔使者遠造廬
雞鳴起膏轄
與參金匱編
尚書為給劄
奸魂泣幽塚
下恐遭誅殺
書成一代進
紫宸鸞旗羽
衛夾陛陳閣
門導謁稱小臣
麻衣不脫拜
聖人捧函近前殿
龍顏喜回春
勅賚內帑之金
與綺段
其文織作銀麒麟
蒙恩迄還家
以奉白髮親
練折草堂東海濱
苧袍芒屨烏角巾
自號山澤之臞民
媯子幸蒙明良時
無為寂寞坐
老東海湄
青丘有客鈍且癡
與汝共結同襟期
左鼓清瑟右吹鳴篪
作歌共祝

天子壽五風十雨
万国赤子同熙

書夢中

夢行塞下沙無水
無蕪葭
牧羊人
歸霜草短
平地鴈群棲
不暖騎馬
茫茫入遠煙
一行衝起上
秋天我夢驚
回鴈飛去
角声吹斷
江城曙

听錢文則琴呈良夫

古樂久不聞
古器亦殘缺
惟有朱絃琴
韻與箏瑟迥
殊別
此夜听君彈
四座寂不喧
古人有遺恨
似向絃中言
初調作冲融
再弄忽悽惋
秋猿春鳥相間啼
夢繞瀟湘碧
雲遠怒濤勢
出峽闔石轟
奔雷漫流入滄

海悠然去無回銅瓶一墮汲井引不可上離車軌
曉出閨欲行未引苦惆悵夜深庭樹風雨驚恍疑鬼
神入蒲城湏臾響靜月照席玉壺凍破水崢嶸我心
正如水万籟不到耳無端听此声双淚迸落百感生
起請且莫彈胡笳文姬思家意咨嗟請莫彈履霜孝
子在野愁彷徨願君拂拭登高堂先彈南風後文王
美哉大雅声洋々使我坐听憂俱忘

約王孝廉汝器看梅

君莫憶東閣吟我莫憶西湖見兩地年来信不通塵
埃正滿春風面不知山中三日雪掩扃修竹斜倚愁

娉婷讀書屋空蒲梁月旁断冷落留餘馨相尋定有
迎船鶴煙霧籠寒縞衣薄一尊好共暖花魂明日開
山笛中落

清冷閣為陳協律題

臨清池敞華閣明月入綺疏微風颭羅幙白波連遠
州竹冷芙蓉愁客听秋声起魚驚星影流水絃彈罷
鷓鴣曲天河墮水凉宵促試問西園閣上遊何如南
浦舟中宿

雪齋為述上人賦

君不見韓刺史疲馬度閨愁欲死君不見党將軍美

人擁帳飲正醺憔悴豪華兩何有世人徒勞競奔走
雪深三尺坐寒龕誰似西齋納衣叟開門一笑定起
遲虛空大地皆春熙松梢一片忽墮響夜靜山空人
不知此地應憐無熱惱尋梅若莫尋詩好便穿蠟屐
踏瓊瑤曉徑從埋不須掃

謝海雪道人贈張仙像

我年已及壯吉夢未兆熊雖有三女兒豈足慰乃翁
每聞隣家子夜雨誦經史起坐秋燈前頽影長嗟不
能止道人念我書無傳畫圖卷贈成都仙云昔蘓夫
子建之玉局禱甚虔乃生五色兩鳳雛和鳴上下遂

与夫子相聯翩勸我勤礼之當有明珠出深淵我感
道人意捧觴拜其前君不見東家翁力耕積多田平
生辛苦立門戶兩兒棄擲如浮煙惡兒亦何須願得
一子賢上以承吾宗下以与我玄仙乎有驗看明年
請君更賦懸弧篇

題滕用衡所藏山水圖

滕君只在煙霞間遠遊十年今始還畫圖示我有層
障竟似何處之名山君言我初遠東越酒船橫渡鏡
湖月醉詠謫仙天姥吟海光欲曙清猿歇瑤草春已
生便入金華行道逢牧羊兒疑是黃初平從此西遊

楚江水去帆如雲掛空裏抱樓醜酒喚長風一日看
山一千里不聞東林鐘但見香爐峯波迷洞庭濶樹
隔瀟湘重白沙翠壁經過好就中几度曾幽討麻姑
壇上掃落花堯女祠前薦芳藻晚客湖南逢鴈回登
臨長詣定王臺天從朱鳥逢頭轉江自黃牛峽外來
菟竒歷險今應憊默坐旧遊空教過時向明窓看此
園好山一一皆重見我聞君言自嘆嗟身如処女愁
離家閉門讀書無半車髀肉漸生空髮華林前塵土
蔽双屐何不着之踐苔石幸逢盛世道路平五嶽尋
真皆可適便當往抱綠綺彈松風行盡万壑千巖中

仙書探得金匱空歸來誇君重相逢握手一咲吳門
東

贈鍛師刘生歌

嘗為李鍊師制三隅鉄削藥刀求歌贈之

君不見歐冶子金鑄魚腸照吳市君不見徐夫人藥
淬匕首驚函秦竒鋒當年非不利氣奪秋雲愁白帝
伯圖恃此竟無成良冶徒為殺人器何如刘生独採
昆吾鋼大炉夜鍊騰虹光神鍼妙刃兩如水提出二
豎皆奔截利器之功有如此特為醫仙起人死囊中
長得伴刀圭海上何須割犀兕我看十年太白西方
明銅山尋鑿兵縱橫幸逢 聖人生干戈戢四海清

願生但制此器勿制兵民無疫癘歌太平

釣臺歌送嚴陵徐尊生太史回

羊裘翁遺釣臺蒼翠兩相向勢壓千崔嵬巖峭壁
聳雲表洪、桐江流遶其下徒喧飀清風在翁振千
古唾視軒冕浮輕埃心懷高潔犹可覩時吐片月峯
頭來先生當代詞林載筆有良史才不展調元手居
鼎台却思釣臺亟歸去胸襟洒落何如哉胸中之樂
何如哉

五禽言和張子宜水部

泥滑、啼空山人行愁道路難高天浮雲自多雨人

不知還空怨汝

提胡蘆趨沽酒杏花村中媪家有君如不飲過却春
此鳥枝頭應咲人

郭公郭公天寒水空朝飛暮宿蒹葭中蒹葭中啼不
息千載魂應怨亡國

婆餅焦婆去餉孫田空遙陸頭小變穗已搖但願好
收食自饒尔莫憂婆餅焦

脫却破袴脫却破袴溪深無船須涉渡亦思脫旧復
換新春机已空愁殺人

槎軒集卷之五

槎軒集卷之六

五言律

吳門

高

啟

季迪

著

酬余左司

門巷接垂楊，同鄰忘異鄉。
兒親欣見熟，僕立厭言長。
讀借風床簡，炊分雨碓梁。
亂來成久別，能不為情傷。

荅倪隱君

雲林已白頭，猶有晉風流。
愛寫滄洲趣，閒來玄館遊。
茶烟秋澹，竹雨暮脩。
欲向南溪水，長留青翰舟。

雨後飲西園偶然亭

晚酌櫻桃下，歡來不柰春。
那知醉後客，猶是亂中人。

雨霽飄還細花寒破未勻江臯舊遊處回首莫沾巾
次韻陳留公見貽湖上行屯之作

湖陰巡壘罷緩服上仙舟景好看宜晚詩清賦爲秋
葉應隨鳥散山欲趁波流亦有東遊興空憐未得酬
送人戍梁溪

沙寒馬屢嘶曉度錫山西古壘殘兵衛荒田健婦犁
雨多弓力軟霜重鼓聲低路近非邊塞香閨莫夜啼

題僧山居圖

行負貝多書青山別舊廬亂尋安土避貧借破庵屋
吟苦非愁裏禪癯似病餘思歸休看畫來去尽空虛

答陳邦度客懷

同患君尤甚時難竟意真愁邊長夜雨夢裡少年春遊
遠荒家業交疎困路塵一杯歌短調誰聽不沾巾

和王止仲夜坐

池暝花如霧蒼々月照開梁空双燕宿簾暗一螢來
兵散誰家笛人遠此夜杯如何對清景愁思却相催

亂後經婁江舊館

此地昔相依重來事已非新年芳草徧舊里熟人稀
遠燕皆巢樹閑花自落磯遺踪竟難覓愁步夕陽歸

鵲軒

金華朱少府生時有鵲集於庭樹後每歲生日輒
來其母瀨沒鵲爲悲鳴久之而去因名軒識思母
意云

神鵲曉鳴枝飛來自期門前懸矢日堂上捧樽時
詎信填河事寧歌繞樹詩只憐君望斷風木助悲思

雨篷

楚雨滿汀洲瀟灑酒客舟夢驚孤枕夜愁掩一窻秋
葦葉寒相戰灘聲暗共流此時湘浦上同聽只沙鷗

溪山小隱

何處溪山隱衡門對野橋晚風携鶴子春雨種魚苗

小徑通斜竹疎籬曲護蕉人生閑自足不問楚詞招
一窻秋影

脩竹與疎桐秋陰接桂叢並生金井側同映綺疏中
隱匿纔籠霧交橫忽颭風不須懷故館月落併成空
聽秋軒為僧賦

西澗秋聲起涼風助振號數禽翻樹杪萬葉下亭臯
初訝來山雨還疑沸海濤老僧方入定終夜任蕭騷

杏花飛燕圖

雙飛如閉捷終日幾西東尾拂花稍露身翻柳絮風
入簾時趁蝶歸壘每啣虫何處長相見佳人院落中

流螢

熠燿復青熒流光不自停暗飛如避月遠墮欲隨星
穿樹臨幽檻綠莎集小庭莫將羅扇撲囊取照遺經

水殿圖

波影繞蘭干清虛似廣寒荷香臨檻挹月色捲簾看
夜靜聞清吹涼多却素紈宴酣思薦鱸銀縷簇金盤

簾

蛮藤巧織成乍展竟涼生紋蹙寒波細光搖夜月明
坐令葵扇棄眠称石床平須信南軒下炎天夢亦清

扇

皎：復團：何人剪素紈驅蠅臨几席撲蝶近蘭干
似月驚朝見生風變夏寒時移當日棄莫怨網乘鸞

新荷

如蓋復如鈿初生雨後天葉低浮水上莖弱裊風前
乍覆遊魚戲難截宿鷺眠佳人休便折留蔭採蓮船

新蟬

翾：乍離晚啣：試初鳴隔葉棲身穩移柯忽意驚
亂催窻日墮微喚浦風生何待當秋聽今朝已感情

池上晚酌

夕陽初雨過團扇送涼過竹裏方歸鳥沙邊尚浴鵝

脫巾懸峭壁流竿逐迴波六逸當年樂何如此處多
林間避暑

自愛蛮藤滑閑舒卧石苔松風催暑去竹月送涼來
石氣生琴薦泉香入茗杯却憐行路子愁暘向黃埃
晚坐南齋寫懷二首

鴈過南齋暮魂消默坐中賤貧長作客愁病欲成翁
窻酒侵燈雨庭翻走葉風山妻犹解事未遣酒樽空
歲景看垂暮羈踪嘆屢遷有身能去浴無術但論天
菊老江城酒床寒客舍羶愁中還一笑兒女滿燈前
送宗醫士徙居江上

詩瓢與藥囊此件即行裝跡隱名犹在交親意不忘
剔芸繙舊帙嘗草試新方春水孤舟起還來問竹房
送劉省郎出佐邊郡

符券前軍重衣冠上客才地圖連異壤星次出中台
暮雨車投峽秋風扇却埃省中梧樹在鳴鳳會重來
微恙江館作

寒燈坐江館愁逼歲闌珊苦恨應催老微疴似忌間
鷄前星列屋鴈外月臨灣明日將求藥身犹懶入關
陪客登陶丘

相逢俱失意此地偶同遊獨樹邀人去斜陽為客留

依村煙景夕近水竹声秋
設有歸欵歎何山是故丘
過戴居士宅

江邊戴顓宅地好
愜幽尋高樹藏
早屋新篁補舊林
鳥成留客語
雲作護花陰
不負滄洲約
重來論夙心
分韻得船字送僧

麓林初結夏東去又飄然
罷說天台講行叅雪竇禪
殘絰林下几遠磬月中船
不用空悲別師今絕妄緣
分題得銅人謝醫

舊鑄明堂像新圖太史書
躰成金冶內穴試石砭餘
摩狄年空老求仙事亦虛
君懷濟人意為此竟何如

雨中飲醉陳知宅歸聞丁二卧病客樓賦此
寄慰

我醉聽歌後君愁卧病中
山雲秋郭暗江雨夜樓空
短烛知頻剪清樽恨不同
題詩非撒手那得愈頭風
師山周伯常久客濠上思
歸未得因繪舊隱
園索題

幾年留客舍千里念家山
得向園中見猶勝亭裡還
菊畦經雨廢薜屋帶雲閑
楚奏無窮意相忘賴此間
盃浦琵琶園

秋夜相逢處閨愁襟宜情四絃風共拂兩棹月同明

司馬青衫濕佳人白髮生至今湓浦上楓葉尚哀聲
金人馬圖

名王受遊獵初試射鷗弓白草秋原曠黃沙晚塞空
琵琶應漢女驀裏裏是胡聰歸醉葡萄綠穹廬在月中
馬

名駒產渥洼牽出萬人誇逸足輕千里高鬃散五花
城南遊紫陌塞上踏黃沙不受蠻奴策驕嘶向日斜
鷲

雪羽獨脩、間情恋遠洲
聲沉烟浦晚影度月灘秋
避棹驚時起窺魚立未休
葦葭同夜宿應只許沙鷗

漁樵耕牧各二首

浮生何處好只在水雲鄉
柳起鳴秋月綸收向夕陽
簪蓬幽夢熟銅斗醉歌長
不是烟波樂那能與世忘
泛、蒼波裏全家寄一船
曾來屈澤畔或到孔壇前裏
帶春江雨柳鳴晚浦烟
潯魚尋水店換酒不論錢
山中朝佩斧遠路入煙蘿
伐木驚禽起穿雲畏虎過
石根供倦憇谷口應高歌
莫看仙人弈歸來恐爛柯
慣識山中路崎嶇每獨尋
穿雲衝過虎伐樹起棲禽
斧礪溪邊石衣懸谷口林
逢仙來看奕甲子易駸
春却起東作耒耜出柴荆
柳下鳥捷健桑間布穀鳴

家人供遠餉刺史功深耕已卜豐年候朝來好雨晴
江臯聞布穀荷耜出柴門春暖烏犍快朝晴綠樹繁
深耕行別隴待饁望前村自得龐公計遺安與子孫
自誇黃犢健登隴共揮鞭遂弄將斜日策杖欲斷烟
歸鴉流水外疎樹舊庄前應咲候門客騎驢走歲年
一笛去茫茫平郊綠草長但知牛背穩應咲馬蹄忙
度隴衝朝雨歸村帶夕陽相逢休挾策回首恐亡羊

隣家桃花

春色東家出相窺似有心曲垣遮自短則院開還深
影動疑人折香搖妬蝶尋好風時解意吹片拂羅襟

櫻桃

密綠映圓紅枝頭的、同熟迎梅實雨落值柳花風
美女名偏稱流鶯啄未空憶當春薦後捧賜出深宮

梧桐

井邊双玉樹高結自生涼影散秋雲薄声喧夜雨長
踈英飄碧簾乱葉響銀床綠綺誰能斷持將奏鳳凰

寄沈達卿

風雨清明後春寒尚袂衣閉門聽鳥盡入寺看花稀
独酌愁難去相思夢欲飛恨難宜教見何事却長違

夜起現月

一春夜多雨今宵初月明
窻間幽夢竟起憶故園行
露下花微委烟中鳥忽鳴
誰同賞清景惆悵倚前楹
曉晴東臯步眺

江明片雨收樹暗一村
幽籬落踈麻長日畦曲水流
禽声初变夏麦氣欲成秋
閒步看時物今朝散旅憂
逢李止水道人

吹簫月滿舟何處昔頻遊
后土瓊花現仙人黃鶴樓
別來應未老道在復何求
相見俄還去江城楓葉秋
送吳縣陳令遷松陵

山縣彈琴罷江城露冕初
夏霖湖更濶朝日市長虛

柳下催耕鼓杵間問俗車
秋風莫思去客館有鱸魚
寄題崇明學中天心水面軒

夜氣虛明際齋居息衆喧
詠餘風度琴坐久月當軒
雲盡無留意池清有活源
心知此時意欲論竟何言
贈呂刘二醫師

藥院冗清朝烟生積券燒
求真遊嶽遍訪病出城遙
收穀寧煩僕尋苓或伴樵
世方多内熱一匕倘能消
君有抱朴意高齋長晏如
壺中仙姥酒按上神農書
蒸木燒烟裏斲苓春雨餘
起疾多傳妙慚予才自踈
園棊

偶與消閑客圍碁向竹林
聲鼓驚鶴夢局罷轉桐陰
對坐忘言久相攻運意深
此間原有樂何用橋中尋

射柳

風暖盡旗張將軍集射場
馬驕嫌轡急人勇喜弓強
但見青條折那知白羽翔
三軍歡咲處巧中勝穿揚

王公子宅五月菊

秋英忽夏發宛在阿戎家
細認驚初見高吟喜共誇
不依寒竹雨欲映午榴霞
我意甘遲暮尊前有此花

夏景園廬

門掩一齋空幽懷獨坐中
本同趨府客偶似灌園翁

魚闔萍池雨蟬嘶柳巷風
未須論夙志聊復去樊籠

晚霽獨酌南樓

倦客豈遷客故鄉非異鄉
鱸肥蓴菜紫鴈到柳條黃
湖濶已秋雨樓高猶夕陽
登臨何必賦把酒據胡床

中秋琵琶洲宴集得紅字

香霧夕濛濛孤高桂樹東
影踈林際月涼近水邊風
重露流杯綠繁星亂燭紅
明年江海上高會有誰同

書曹谷才世訓後為其子季常作

綠野高人第清門舊相家
篇章存月露翰墨走龍蛇
作戒言惟切貽謀歲已賒
過庭雖有訓得與共傳誇

贈東庵道者

雙樹夾成戶一溪流繞家掃林留迸笋汲水帶浮花
經勸里人請藥從山客賒已無喧寂念默生對鳴蛙
過劉山人園

欲問幽棲處花蹊逐澗迴夕烟羅幕卷春雨藥房開
野鶴知琴意山蜂給酒材城中少閒客誰解引車來
次韻楊禮曹移疾之作

養疾深扉掩還應謝俗交鳥多風和語葵晚雨緘苞
印向閑廳鎖鐘聞近寺敲相思愁莫遏高樹古城坳
江上見逃民家

清時無虐政何事竟拋家憐叟收饑犬途人折好花
林空烟不起門掩日將斜四海今安在歸來早種麻

悼女

保養常多闕艱難愧我貧悽悽臨歿語的的在生親
遺佩寒江月殘燈夜室塵中郎他日藁留付與何人

見歸鴉

啞：噪多夕暉爭宿不爭飛未逐冥鴻去長先野鶴歸
荒村流水遠古戍澹煙微借問寒林樹何枝最可依
宋迪晚烟歸舍圖

落日下嵐嶺行人逢已稀隔煙望田舍映水掩荆扉

鳥亂夕林暗草多秋徑微家人應候我買畚郭中歸
華瑩芝檜圖

誰指牛眠處江山地最靈氣鍾孤檜碧祥表五芝青
影動春雲亂香敷曉露零知君家種德曾讀墓前銘
送周履道入郭

離群方感愴况復與君違花隱歸城旆風吹渡水衣
酒知喧寂異莫訝往來稀今夜空齋雨誰憐獨掩扉
雨齋獨坐寫寄友

動與世相妨端居學坐忘雨來池上樹煙起竹間房
屋鳥非晴弄蘭花是晚芳尋山期已阻遙望柰蒼蒼

次韻酌西園公

林驚綠樹鼠池響食萍魚月戶双砧落風亭一簟舒
体便清夏健髮映早秋踈本自無愁事何煩酒破除
聞隣家琵琶有感

清唱合琵琶當年碧玉家弄殘催酒急抱重向燈斜
久別愁江樹重聽隔院花淚多思舊事不是客天涯
書王生扇

素質粉藤光蒲葵詎可方當懷驚抱月洒面却沾霜
宜助驅蠅用羞隨走馬狂過時甘自棄不怨井梧黃
送胡銓遊會稽

山水獨行徧若溪仍剡溪衣逢新火減舟渡雜花迷
黃絹尋碑讀紅裙賭墅携蘭亭舊基在觴咏付新題
送陳少府赴嘉定

雨歇乘陰路爭迎緝纛車潮多田水滿城小井烟踈
夜戶犹聞犬春濤欲上魚期君布新政去卜海濱居
報恩寺逢蔣主簿就送還如臯

貪語酒寒頻新年見故人別時煙寺晚歸路雪江春
造次燈前面蒼茫船上身明朝楚花發莫歎縣厨貧
贈張省郎

漢署蚤為郎長遊鳳沼傍鷄知壺水候馬識火城光

每載趨曹筆時熏直省香邊書無一羽冠蓋日翱翔

贈姚東曹

炉氣拂春衣分曹直省闈相門旄節重郎舍簡書稀
夜直聽鐘度晨朝策馬飛共憐玉掾少粉署有光輝
分題戟門送陳博士

聖廟儼王宮重闕肅衛同儒官趨內外武仗列西東
乍啟鳴鐘始將扃徹俎終莫言墻教佞还有此堪通

寄杜進士

花開寄別離花落正相思交誼多年見鄉愁近日知
我方淹上國君豈老明時試問江干閣同登復共誰

鐘山雲霽圖

山勢識龍蟠香臺擁翠巒草堂猿嘯晚蕙帳鶴驚寒
雲擁梁僧塔苔封宗帝塚昔年遊歷處今向畫中看

立秋日

碧天收夏色節氣變清商暑自今宵伏風從此日涼
金莖初有露玉氣未成霜
曉日并凄雨
澆催草木黃
冬至夜雨感懷

節序閑何事徒令百感生
升沉當世事存歿故人情
寒在微陽氣風疎緩漏聲
他年說今夜聽雨宿南城
贈月廿四雨中夜坐二首

不與貧後歎每動醉中吟
涉難知天意居閑長道心
鴈聲隨雨到鬢色與年侵
獨想平生事蕭然坐夜深
身退惟宜靜謀疎且任真
樓空三日雨書亂一床塵
丘隴多良友江湖獨放臣
莫嗟年景暮轉眼是新春
追輓恭孝先生

閑洛遺風在河汾舊業傳
書攻截簡後易寃出圖先
曉禁辭持橐寒廳恋坐羶
臨危誰復似身与勅俱全
送高郎中

雙騎出前驅爭看璧在車
初離中侍幙復接舍人廬
綬色春宜酒炉氣夕恋裾
同官聯劍佩侍史直圖書

雲氣通高閣，花陰宿廣除。省中詩滿篋，知是秉綸餘。
送周檢校使高麗

東望玄菟境，孤帆有去人。未容辭遠使，方要接殊隣。
乞水從山媪，占風問海神。玉庭依舊障，估市集遙津。
地作先朝俗，花同內域春。煩君修誓好，玉帛自茲頻。

一 送高麗貢使還國

鳳闕層霄上，菟城積水東。大君方啟運，絕域盡朝宗。
錫命分青土，趨班列紫宮。船歸瞻出日，帆掛候西風。
雨露何沾渥，華夷本已混同。聖心非悅負，惟念遠人忠。

焚香

艾納山中品，都夷海外芬。龍洲傳舊採，燕室試初焚。
奩印灰縈字，爐呈玉鏤文。乍飄猶掩冉，將斷更氤氳。
薄散春江霧，輕飛曉峽雲。銷遲憑宿火，度遠托微薰。
著物元無跡，游空忽有紋。天絲垂裊裊，池浪動沄沄。
異馥來千和，祥霏却衆羣。嵐光風捲碎，花氣日蒸薰。
燈炮宵同歇，茶煙午共紛。褰帷嫌放早，引匕記添勤。
梧影吟成見，鳩聲寤竟聞。方傳媚寢法，靈著辟邪勳。
小閣清秋雨，低簾薄晚暉。情慚韓掾染，思記魏王分。
宴客留鸞侶，招仙降鶴群。曾携朝罷袖，尚邑舞時裙。

囊稱縫羅佩篋宜覆錦熏盡堂空搥挂素壁漫塗芸
本欲叅童子何須李令君忘言深坐處端已謝塵氛
詠夢一
的、綠愁得漾、與醉如輕隨雲浩蕩暗越嶺嵯峨
夜店嗟偏短春閨想最多閨山歸識路江渚去凌波
梁落中宵月棲橫欲曙河隔簾休警鵲近燭任飛蛾
遊遠寧煩載穿深豈畏訶寒驚瑤作障暖恋錦成窩
蝴蝶誰家信鴛鴦別浦歌靜嫌風動竹鬧怯雨鳴荷
寂歷窻高綺低遲帳捲羅知情惟枕共送恨忽鐘過
縞袂香猶在朱絃字不磨記來還彷彿尋去已蹉跎

宿燼芬餘麝殘粧暈淺螺憂歡情總幻離合事皆訛
池上迎芳草前庭覓榭柯既因思是種復念睡為魔
易斷俄如此難憑竟若何陽臺莫重問千古咲巫娥

戲嬰圖為人題

芍藥風闌側梧桐露井傍嬌櫻爭晚戲少婦鬪春粧
共詫珠生蚌還憐玉產岡半披文錦祿斜佩紫羅囊
額髮歲蕤短胸胞細膩光庭前王氏子陌上衛家郎
弱草身眠軟芳英手弄香隨人貪作劇避伴李迷截
莫撲花蝴蝶宜為螭鳳凰塗添雲母粉浴試水沉湯
麟送徐卿宅蘭生謝傳堂愛均看搃好年並比誰長

驥種雖難匹鶴雛已作行
欣君得此畫真是夢熊祥
槎軒集卷之六
槎軒集卷之七

七言律

吳門

高

啟

季迪

著

秋日江館詠懷

十年世事漸多更自嘆而今豈復生
未有佳兒書謾讀既無俗客酒頻傾
煙生遠塢聞雞唱潮落平沙見蟹行
秋後思歸几幾度夕陽江上望高城

和蔡參軍感懷

擊筑無人識漸離客依孤館獨淒其
著書未解成新語把劍聊因覓舊知
燕塞風多寒水急梁園雪早凍雲痴
年來只念江東去下馬碑陰看色絲

寄余左司

何處吹愁角一聲大江東岸呂蒙營
天隨流水茫茫去月共長庚耿耿明
虜意有圖秋暫息客魂無定夜還驚
欲陪醜酒樓船坐借問風潮早晚平

聞家兄謫壽春

別來未省去何投書到方知謫壽州
覽俗自堪傷遠抱聽音誰解釋
羈愁長淮波浪應愁渡故國江山只

夢遊莫有萬回飛，往術竟消空望。楚雲秋

送廣陵成居竹先生之雲間

字元章詩人也

老別蕪城每自哀，移家新向讀書臺。遠人嶺表求詩去，故友京華寄字來。亂後識翁嗟已晚，衆中憐我愧非才。建安大曆遺風遠，尚藉樵鉤一挽回。

次韻倪元鎮見寄

老來詩陣尚堂堂，過宿曾留讓大床。病驥可堪淹遠道，孤松只合在高崗。蕭蕭塵鬢驚寒色，渺渺雲山歛夕光。莫道欲歸無好處，便尋勾漏與華陽。

次韻俞士平見懷

一棹滄波兩鬢絲，豫章老客苦相思。作歌幾日空招隱，載酒何人為問奇。吳苑舊遊山色在，楚江歸夢月明知。莫言別後音塵絕，長倚東樓憶紫芝。

寄錢塘方員外以常

尋常此別事難同，不意音書得再通。君病尚留多難後，我吟方向亂愁中。殘煙廢郭山猶在，落日空城歲欲窮。借問西湖舊梅樹，如今還剩幾多叢。

寄海昌李使君

海上波濤夜不驚，使君雖老尚能兵。荒烟白鹵家灶落，日黃岡處營人雜。島夷爭小市，潮隨山雨入。

孤城明朝硤石峯前路我欲停車聽頌聲

荅薊丘聶才子

聞道詩狂復酒狂少年鞍轡閒輕糝百金已醉名姬
館一劍還登俠士堂鷄唱夜驚吳苑月鴈來秋帶薊
門霜亂餘零落無人識今日相逢向路傍

送宋孝廉葬親歸南康

長揮客淚楚雲東故國江山一戰中遺櫬十年嗟未
掩歸舟千里喜纒通遠途敢避風濤險舊隴應知草
樹空料潯南岡廬宿處夜深猿鳥泣西風

送陳博士歸南海葬親

朝來泣罷廣州書別我將行万里餘親骨未歸新塚
奠僕情猶守故坊居月明檣轉隨烏鳥雨暗燈移避
鰐魚此去定知難重見海天南望渺愁予

送秦司訓海上省墓

亂離何處訪遺阡暮雨東歸近海邊寂寂野棠閑照
墓依、鄉樹遠迎船門生舊解題名石縣令新能給
祭田此日誰無丘隴念送君還詠白華篇

送顓上人還天屏山

古寺秋深乞食回尋鐘遙入亂雲堆損知夜定啼應
歇鶯聽朝談到不猜對日衲衣連葉補盛囊詩句向

僧裁他時半偈重相問林閣應開候我來

張思廉退居江上

東望歸鴻江水邊客愁應獨上棲眠春陰半月滿
雨晚色孤村渺
煙君去尚存
鼎國劍我來未覓載
家船舊遊莫問長洲苑寂寞鶯花正可憐

過張子宜林居

清和池館閉閑苔輕幘尋幽觸雨來井桁水
聲繩乍轉林屏山色畫初開穿花百舌深緘口吹絮
雙鱗淺露腮好賦一詩題壁去主人未肯便塵埃

早春寄王止仲

江水江花只自春不知容易解愁人山川寂寞衣冠
淚今古銷沉簡冊塵草
逢人空識面忽
為客莫容身十年憂患誰相慰
賴得君家是近隣

答余唐卿見寄

雪晴稍
見花枝書閣朝眠日影移酒到好懷傾輒
盡詩逢高韻和應遲今朝閑豈尋春得前夜愁因送
客知走馬南園芳草綠憑君莫問少年時

客舍寒食次周履道所寄韻

寒食江頭客未還
獨臨流水見愁顏故園芳草斜陽
外空館疎花細雨間
亂世求田雖自咲少年當路竟

難攀主人莫折門前柳多病無書倦入閨

次韻金德儒送弟往海上

小陸賢如大陸賢
亂離為客最堪憐
橫經海上知虛席
打鼓津頭看發船
變氣晚晴田雉闕
懷香春暖野鵝眠
明朝夢斷生芳草
風雨孤舟過練川

答呂志李見寄

一罷僧房看竹期
行吟何處復相隨
詞波遠渚難尋路
風雨幽窻忽送詩
故舊誰非嗟別者
鄉園同是憶歸時
莫愁孤館春寥落
且向江干避亂離

和楊孟載秋日見贈

殘雨脩：映彩虹
憐君獨咏楚臺風
遠江帆影秋蕪外
故苑砧聲晚樹中
壯歲漸如辭幙燕
閑身猶似蠹書虫
雅音自古無好莫向人誇
瑟最工

首春感懷

初春風日自妍華
客意登臨只感嗟
陌上驚塵隨去馬
城邊遺柳斷栖鴉
亂來未覓無兵地
愁在空思有酒家
咫尺苑西誰解問
早梅還發去年花

挽翟孝廉

壯志蹉跎為亂離
蒼天不許見清時
樓前鶴去飛雲遠
墓上人來宿草衰
親老還揮思子淚
弟愁長詠哭

兄詩兩年頻送交遊歿不似夫君最可悲

暫宿行營舟中

薰葭霜露冷侵落鴈驚烏穩未眠戍卒獨明高柵火
居人同宿廢村烟醉中遠夢欺長夜亂裏窮愁折少年
莫問閑身何到此久思提劍李防邊
角声未起大星低夜靜寒營獨馬嘶樹葉蕭蕭霜後
堞河流汨霧中堤三軍睡枕誰能穩孤客歸舟自
欲迷起望此時憂更切邊烽不隔遠峯西

過海昌贈李鎮禦

海上觀風逐使車將軍雙廟有遺墟已看田父迎猶

虎未遣溪人射鰐魚日出鹽生沙地白潮來波動縣
城虛故人相識登樓意不是懷歸畏簡書

得潮州遷客消息

瀧吏相迎度惡灘到時應是幾旬間猿啼嶺下梅花
白鰐去祠前荔子斑名姓未看兵籍落音書忽附估
船還莫言久作災荒客會逐陽和返故山

得亡友周履道在繫所詩就次其韻

擬出置羅再卜鄰死生俄判兩吟身百年豈料逢今
日四海何由見此人吳地有園花已盡楚山無冢草
空新一篇幽憤時讀風雨寒燈夜獨親

逢倪徵士歸吳門

數千里外久相違，十八灘頭偶獨歸。
自說病來辭幕府，只因愁絕念庭闈。
吳歌重把還鄉酒，蠻布猶穿過嶺衣。
話盡三年遊歷事，蒲庭風雨送斜暉。

蘇臺懷古

麋鹿來遊客，過稀消沉霸業在。
斜暉遊帆自向湖中落，鳴屨誰聞月下歸。
鳥啄計成楫柵，至蛾眉舞罷綺羅非。
如今始悟牽衣諫，荊棘遺宮淚滿衣。

吳城感舊

城苑秋風蔓草深，豪華都向此消沉。
趙陀空有稱尊

計劉表初無弭亂心，半夜危樓俄縱火。
十年高塢謾截金廢，與一夢誰能問回首。
青山落日陰

過淞江阻風晚覓漁舟抵松陵公館

風雨方知客路難，飛鴻相逐渡江湍。
港收漁市舟歸晚，門掩官廳燭對寒。
此地昔年曾遠宿，何人今夕共清歡。
枕邊不為江聲急，夢寐憂時未得安。

江上春日遣懷

江上逢春已兩迴，客中時序苦相催。
蛛營戶網蟲初出，雀借簷巢燕未來。
年少即閑真信拙，詩成雖好可言才。
如今欲向南隣叟，旋乞垂楊遶舍栽。

別江上故居

家具初移借釣船
臨行魚鳥亦悽然
城南徙舍惟三里
渚北閑居已二年
花墅回看春水外
草堂留掩夕陽邊
多慚父老相留意
來去聊隨大化遷

遷城南新居

辛苦中年未有廬
東西長寄一囊書
未能避俗還依俗
堪信移居更索居
葉滿鄰園煙漠漠
竹連僧舍雨踈踈
何須許伯長安第
此屋翛然已有餘

子祖授生

他日賢愚未可知
眼前聊復慰衰遲
人間豚犬應誰

字天上麒麟豈我兒
旁北先占神媪送啼聲
還得使君竒樂天
從此休長嘆
已有人傳栢匱詩

煮雪齋禁言茶為貢文李賦

自掃瓊瑤試曉烹
石鑪松火兩同清
旋渦尚作飛花舞
沸響還疑洒竹鳴
不信秦山經歲積
俄驚蜀浪向春生
一甌細啜真天味
却笑中冷妄得名

香晚軒

不畏風霜向晚欺
獨開衆卉已凋時
地荒老圃苔三徑
節過重陽雨一籬
秋色蒼茫人醉少
寒香落莫蝶先知
山翁獨念同衰晚
坐對幽軒細詠詩

送呂志孝入道

海風寒拂紫髯煙初着黃冠已稱便篋裏竟拋紅葉
字燈前唯寫碧苔篇客窓炊黍回新夢仙圃偷葬記
昔緣亦欲盡將書策去山中依子季長年

送衍斯道還相城

江樹湖波繞相川南風巾舄去翩々村中乞米晨留
鉢城外聞鐘夜泊船昔向名林嘗演法今歸旧院定
安禅道心深悟俱浮幻無柰詩名滿世傳

春宵圖

燕睡簾前夜未深羅衣應怯嫩寒侵風傳漏板還堪

數月混梨花不易尋翠管紅樓枕裏々華燈繡榻正
沉々畫中一片春宵景寫出閨人悵望心

雲山樓閣圖為朱守愚賦

白雲窈窕楚天陰半露樓臺半遠林簾幕捲時秋雨
歇鼓鐘鳴処夕陽沉鶴從遼海天邊下猿隔巴山樹
裏吟為問仙家在何所欲穿謝屐一登臨

鶴瓢

遠隨仙客下青城瘦骨肥來見盡驚藜杖夜懸翻露
影竹尊春瀉飲泉声園中幾歲形容變海上何時羽
翼成醉聽樹頭風唳々却疑秋傍九臯鳴

贈林泉民張夢辰次張貞居韻

雨船幾度載狂客詩卷平生隨老翁林下自成麋鹿
友世間相去馬牛風曉窻吹熟露葵紫秋寺寫殘霜
葉紅他日誰脩耆舊傳著君應在隱淪中

次韻揚孟載雨中卧疾二首

堦前曝藥雨來收寒似人情恋故裘壯歲間閔元屬
命荒城蕭索不因秋憶君我最相憐病問客誰能獨
免愁清坐自能消鬱結古方休向篋中求

門前問疾幾人車曲巷深：樹影斜每愛積書緣有
子不愁聽雨為無花亂來官俸猶支粟睡起僧僮忽

寄茶何事一春頻謁告只應未辨酒中蛇

謁伍相祠

地老天荒霸業空曾於青史見遺功鞭屍楚墓生前
孝抉目吳門死後忠冤壓怒潮翻白浪劍埋冤血起
腥風我來無限傷心事盡在越山煙雨中

吊岳王墓

大樹無枝向北風千年遺恨泣英雄班師詔已來三
殿射虜書猶說兩宮每憶上方誰請劍官空嗟高廟自
截弓棲霞嶺畔今回首不見諸陵白露中

愛姬祠

在香山湖口

錦雲陣：落紅衣波冷，雙蓮慘夕暉。故國草侵金輦，
路荒祠塵掩。盡羅幃共哀艷。質軍前歿，誰見香魂下。
月歸惆悵，無人來酌酒，綠楊惟有乳鴉飛。

吊七姬冢

疊玉連珠棄草根，仙遊應逐墜樓冤。孤墳掩夜香初
冷，幾帳留春被尚溫。佳麗總傷身命薄，艱危未負主
多恩。爭妍無復呈歌舞，寂寂蒼苔鎖院門。

次韻西園公咏梅二首

如何天與出塵姿，不得芳名入楚辭。春後春前曾獨
採，江南江北每相思。微雲淡月迷千樹，流水空山見

一枝擬折贈君供，寂寞東風無那欲殘時。
雪中無伴只孤芳，倚竹原非翠袖粧。馬上忽逢臨水
驛，鶴邊每見向山房。春愁寂寞天應老，夜色朦朧月
亦香。此地一尊聊自戀，揚州回首已淒涼。

暮春答僧懷德

風雨兼愁過盡春，愧煩問訊社中人。床頭檀与青山
舊，門外車隨白日新。說法空林三竺士，誦詩清夜五
臺賓。相思雖覓鐘聲近，猶隔城東十七塵。

水竹居為廉上人題

水西分土一袈裟，拄杖敲門竹滿家。掃石安禪無落

葉過溪送客有浮槎龍吟夜應潮生海鳥過寒鷺月
在沙林下本來叅玉版不須更煮趙川茶

訪呂志孝寓性澹房

幾欲相尋與願違今朝始得過禪扉磬聲穿竹山房
遠屐齒粘苔石徑微幽鳥每同馴鴿下高人閑與老
僧依談詩說偈俱堪喜坐竟茶香上薜衣

雅宜山居為陳惟寅題

華屋雖存忍獨居愁瞻松栢漫踟躕夕陽下馬高人
墓夜月啼烏孝子廬地掩衣冠竟去後家留圖籍手
編餘元方應有無穷意陌上何年重駕車

喜徐幼文北歸

風塵萬里損光輝舊面相逢却訝非在路定留經處
詠還家猶着去時衣久留遠土蟲蛇襍忽解高羅鴈鵲
飛尚念梁園二三客與君同去不同歸

王徵士東里草堂

久客因為東里人年來移竹與君隣時名頗患緣詩
得野性惟知向酒新林下煙生門掩夕園中雪罷鳥
鳴春相期歲晚為同社隔屋歌呼定不嗔

蘆花齋

菴葺織出緯蕭機未許蝦鬚獨倚竒寒雪照庭晴不

捲白雲當戶畫長垂恍疑柳絮風穿早不管梨花月
到遲自是楚江秋一片移來不使白鷗知

雨過舟中看山

風雨山前暗薜蘿滿篷涼思入滄波沙鳴正厭秋聲
急峯出還憐秀色多溪上雲收開遠樹田中水滿發
新禾舟人不用催歸速卧看青巖次第過

夏夜偶成

銀河欲轉漏聲稀坐詠閑齋夜掩扉鵲影頻翻窻竹
起螢光每拂徑莎飛風生漸抖齊紈扇露下猶沾楚
葛衣自據胡床相待月為憐池上夜涼微

泛舟南湖觀荷

雨晴南浦錦雲稠晚待潮平蕩槳遊狂客興多惟載
酒小娃歌遠不驚鷗半湖月色偏宜夜十里荷香已
欲秋為愛前沙好涼景滿身風露未回舟

新竹

南池雨後見新篁裊裊煙稍漸出墻風度亂翻交籟
響露垂微挹粉痕香簾前嫩色初含暝琴畔踈陰已
送涼野飯休燒林下笋留添碧玉數筍長

梅雨

江南煙雨苦冥濛梅子黃時正滿空洒竹暗連湘女

廟隨雲遠度楚王宮
寒頓使拋紈扇衣濕頻催換
火籠幾度欲晴還復暝
簾前不放夕陽紅

林亭山寺漁樵共話圖

古澹亭臺絕世音
橋分鳥道入雲林
溪流漲雨含春綠
柳色凝烟帶晚陰
江接遙岑青黛淺
山截古寺白雲深
應慙擾攘塵中客
誰識漁樵話裏心

追次唐人韻

任俠平生慕灌夫
每思鳴劍起伊吾
歌調錦瑟初移柱
笑擲金盤已作盧
買妾競誇燕地女
求官不事堯家奴
灞陵獵騎歸衝雪
殺笑詩人凍撚鬚

贈王醫師立方

醫得河間第五傳
尋師曾上海門船
龍方試後應多驗
鶴骨癯來已欲仙
度澗斲苓朝帶雪
隔林蒸木午生烟
詩人亦有相如渴
願乞丹砂舊井泉

送基上人希載赴天界

水郭春寒壓柳絲
扁舟遙送道林支
日邊金界遊應徧
雪後滄江渡較遲
座藹爐香朝演法
窻傳鉢韻夜談詩
龍河舊日棲禪侶
想拂雲床正待師

謝吳庠徐司訓善醫起人疾

解榻高齋晝日遲
坐談周孔雜軒岐
仙人方在應歲

枕博士經橫每下帷池上採芹風起處塔前晒藥雨
收時病瘥不使人栽杏只要新題滿卷詩

起京留別鄉舊

幾向江頭買去船自嗟行計日留連風雲已遂明時
志歲月空驚壯士年捧檄敢期囊穎出着鞭肯向驛
程先東華叨列仙班入五色雲中覲九天

白鶴溪阻雨

漠：窮陰歲欲闌却携孤棹別鄉閭雨添白鶴溪頭
水雪變金陵道上山自嘆無心雲漫出應嗟倦翮鳥
知還浮生擾々成事何羸得星々兩鬢斑

御溝

春含禁柳綠相和縈貫天津若絳河派出宮墻流葉
斷源通靈沼躍魚多曲迂月下龍舟轉清照雲間雉
扇過行客何須問深淺長流不盡似恩波

登天界寺鐘樓望京城

朝罷登樓賞晚晴三山二水總分明人間地湧黃金
界天上雲開白玉城宮樹遠連江樹色寺鐘微荅禁
鐘聲憑高空此現形勝深愧無才賦帝京

喜聞王師下蜀

蜀國兵銷太白低將軍新拜漢征西浮橋已毀通江

鷓進鼓初鳴突水犀不假五丁開道遠俄看万甲積
山齊從今險阻無人恃夷貢南來盡絡鞅

送陳總戎出鎮邊郡

家出山西負勇名擁旄方見去專城風生曉帳旌旗
動月落寒譙鼓角清麟閣封侯新寵任鴈門擒虜舊
功成如今四海無征戰雅咏投壺樂太平

送周省郎之官海虞

黃茅連野邑城荒佐邑初煩舊省郎鴈起海風吹暮
角鷄鳴闌月照晨裝讀書臺下逢人少濡墨堂中憶
尉狂君到官曹無事日一尊為我酌斜陽

送胡端任嶺南陽朔主簿

孤舟應過五年城新作微官治遠氓躑躅風前荒店
酒鞦韆雨裏惡溪程負薪每見歸村女操弩時逢出
洞兵此去知君非竄逐不須臨別泪沾纓

送殷孝伯任咸陽教諭

独抱遺經出董帷秋風足騎入關遲用濡幸際千年
會造士欣為一縣師鴻鴈雲低秦壘角牛羊草沒漢
陵碑宦遊兼得覩形勝向莫尊前嘆別離

答復上人見寄兼簡泐季潭

高堂鐘鼓毒龍驚曾布袈裟海上城廬岳禪師傳法

印道園李士許詩名幾趨北闕瞻天近獨坐南屏對
月明書到喜聞雙徑老雨華新散滿瑤京

答韓長司見贈并東滕用衡

昔年載橐侍明堂每見論邊近御床入幕乍參飛騎
將還家新卜卧龍崗秦山暮隔闕雲遠吳樹秋涵海
日光共語東西宦遊者里中今喜有南陽

秋江晚眺圖

一髮青山斷鴈邊渚宮樓閣暮雲連煙波彷彿江南
景嵐柳依稀峽外天釣艇歸時風動葦僧鐘起處日
沉煙現圖忽轉滄洲念身墮黃塵又幾年

張院長貽太湖中秋翫月之作因次韻

洞簫聞處似黃州月色惟過一半秋兔闕何年卅桂
種龍宮今夜白蓮浮露沾席上縱橫醉天蕩舟前浩
蕩遊若上洞庭看玉鏡兩山應是勝三洲

客中述懷

故園生計日嗟訖不覓青春客裏過旅食自慚空舊
橐朝衫誰為換新羅多愁未必闌花事長醉原非困
酒魔幾度欲歸：未得空彈長鋏和高歌

重遊甘露寺

曉色蒼々宿雨收倚天樓閣喜重遊雲來雲去山如

舊潮落潮生江自流天上曾聞甘露降庭中長見雨花浮江山千古情無盡人往人還自白頭

送賀叔庸還錢塘

暫來還去獨翩翩賀監清狂已欲仙三日小樓延解榻幾人南浦送回船鴈呼舊侶投雲外梅試初花在雪前歸去西湖柳邊宅定娛鶴髮慶新年

送梁天爵歸會稽賓客子

識君京國暫相從別去堪憐此再逢共把一杯官市酒初聞半夜客船鐘吳洲鴈落潮痕淺越嶠猿啼樹影重曾作尊翁舊僚屬臨分離恨倍人濃

端陽寫懷

去歲端陽直禁闈新題帖子進彤扉太官供饌分蒲醑中使傳宣賜葛衣黃繖迴廊朝旭淡玉鑪當殿午薰微今朝寂寞江邊卧閑看遊船競渡歸

喜張太常孟兼南歸省墓見訪江館話舊

長嗟遠別望京城忽喜相逢駐驛程問舍求田慙我鄙還家上冢羨君榮寒廳聯句圍爐坐晚陌趨朝並轡行此夕重談真若夢江湖夜雨一灯明

喜徐徵君幼文浩上人竟源見訪

遠煩支許問棲遲正值山家檣綠時為吏得閒非是

隱李禪有解即能詩潮聲驚客三江里秋色留人菊
數枝莫恠相逢情倍喜碧雲紅樹久想思

雪中

舟絕寒江凍不潮縈沙拂柳影脩々絕從漁浦莎邊
積還向樵村竹外飄撲馬憶當年少樂點袍曾逐侍
臣朝如今獨坐吟詩句茅屋茶煙冷未消

寄永寧丁令就簡盧先輩

政成百里自村優莫厭青袍映白頭盜散山棚城少
閉渠通田澮水多流陸渾莊上鷄鳴午緱嶺祠前鶴
去秋沽酒更須煩縣令洛中時伴玉川遊

送王茂才遊京還杭

客遊南北再逢春幾驛烟花一騎塵現國舊逢朝闕
使還家今作渡江人雪迎酒氣消應早柳逐歌聲發
更新此日腰間垂赤組不須猶愧故鄉親

次韻王七隅仙吳

不依道士覓鸞群薰沐清朝謁老君
危氣双騰含景劍蠹魚三食內篇文
山中石髓青如鉄海上琪花白似雲
知子從來有仙骨吹笙擬共接飛裙

次韻王汝器過陽山澄照寺

汝向山中住十日題詩幾度見經過
彈琴只坐寺前

石放棹每遊湖上波空林雨過虎跡少大洞雲生龍
氣多老僧好客未容去落日更聽樵牧歌

夜雨不寐

雨窻燭盡漏迢迢秋滿床幃酒易消蟋蟀催寒輸絡
緯梧桐鬧雨勝芭蕉漸知老去非前日豈信愁來是
此宵莫聽曉鐘聊穩睡閒居久已罷趨朝

漫成二首

柴門藥圃小江邊早得閒居是偶然兩岸晚風黃鳥
樹一陂春水白鷗天悠悠往事空書卷碌碌浮生只
釣船猶記京華為客日幾回聽雨憶歸田

已分棲遲不似癡江邊林下儘幽期病惟好懶寧須
藥心未忘機偶對棋閑館雨声花落夜芳塘草色燕
飛時春來頗喜囊中富添得新成幾首詩

槎軒集卷之七

槎軒集卷之八

五言絕句

吳門

高

啟

季迪

著

聞鐘

日暮遠鐘鳴山窻宿鳥驚楓橋孤泊處曾聽到船声

聞笛

橫吹發哀聲江樓月正明伊州不堪聽都是故園情
聞柝

朝擊城上霜暮擊閤下月愁夢畏頻驚何方此聲歇
馬遠畫茶蘼黃葵二幅

池冷畫欄幽芙蓉伴晚秋金盤承露重彷彿漢宮秋
春晚獨餘芳風回帶酒香美人偏愛看因似御衣裳

鴈

初到別胡沙樓頭度影斜江南秋月好隨意宿蕪葭

秋雨

瑟瑟復蕭蕭燈前滴此宵秋聲自難聽况復在芭蕉

秋聲

砧韻雜鳥蛩梧邊雨帶風千聲作秋意都入夜窻空

紅葉

霜染滿林紅蕭疎夕照中曾供寫秋怨流出未央宮

桂花

風霜浥清香微陰別院涼誰能呼白鳳花下舞霓裳

對月夜飲

月照綠尊深清歌挂影陰姮娥留伴我莫向畫樓沉

中秋

此夕月華流平分一半秋誰能尋庾亮吹笛上南樓

春溪獨釣圖

春水鱖魚肥，垂綸坐釣磯。
羊裘人易識，好着舊蓑衣。
竹林高士圖

竹深斜日在，獨鶴見扉開。
誰願閑居者，惟應二仲來。
題湘南雨意圖

南禽暮啼起，門掩湘祠裏。
豚、半江陰春雲與春水。
題携琴訪友圖

孤騎復孤琴，披嵐入澗陰。
遠尋君莫訝，城市少知音。
晚尋呂志隱

小艇載琴竹，松花落晚晴。
君家偏可認，隔樹有書聲。

訪丁至恭不遇

獨坐無與語，出門聊訪君。
空回轉惆悵，芳草日將曛。
答陳和度山人

賣畚君當返，脩琴君已歸。
無為嫌寂寞，世事意多違。
得家兄在遠消息三首

家將遠人信，復報遠人知。
世亂書難得，開緘似見時。
幾日看回雁，今朝又素開。
應知在天末，亦望弟書來。
歲晚各離家，憐兄去路賒。
書來約歸近，同看故園花。
池亭

虛檻枕池波，閑凭看浴鴛。
秋荷知幾葉，添得雨聲多。

王主簿小園

夏葉風苗長秋瓜雨蔓新誰言趨府客却似灌園人
登樓望虎丘

秋霽倚層樓孤峯是虎丘香臺紅樹裏佳處記曾遊
秋夜宿雲岩僧院寄陳惟寅

竹動鶻頻驚秋荷閣外橫談禪貪坐久莫遣曙鷄鳴
深竹晝鳴鳩微涼滿寺秋老僧雖不在風雨自相留

画

望秋倚高閣隔江愛層嶽不見度僧歸煙深暮鐘遠
冷風中絃渺渺雲間鴻秋懷不可寫日暮青山空

鴛鴦

兩、蓮池上看如在錦機應知越女妬不敢近船飛

柳燕

妙舞漢宮人香菟化幾春嬌飛傍楊柳猶似李腰身
咏水邊桃花

一片欲随流殘粧照影愁誰來唱桃葉風雨送離舟
西園梨花唯開一枝

禁瘁竹園

嫩葉與殘枝相依暮雨時莫分禁瘁看節在不曾移

隔簾聞歌

低按新翻曲人聽意每猜簾疎遮不斷嬌透幾声來
題芭蕉美人圖

琴罷咏春朝餘醒吸露消詩成無落葉聊為寫芭蕉
病酒

日高顏未擲困卧對山花暫謝高陽侶寔間独飲茶
宿寧真道館夜看茅澤民畫

看山如見君、家在山下僊館憶君時明燈對圖畫
軒前小竹

琴罷茗烟銷閑齋思寂寥秋稍纒數葉添淅雨蕭々

暮歸寄王汝器

槐葉落秋城斜陽一騎行客邊聞笛處同恨有王卿
登白雲寺閣

逶迤眺晚嶺窈窕登秋閣紅葉雨初晴千岩一泉落
宿紫藤塢

竹風稍欹靜遠溪寒可聞不用蓮花漏鶴鳴知夜分
雪夜宿山家寄斯道

師卧西庵雲我聽東齋雪休嗔夜不來對面元無說
夜坐聞鴈

何處度寒雲哀多乍失群不因愁未寢誰到夜深聞

夜泊盤門城下聞鐘

暫泊城下舟遙聞城裏鐘家在鐘鳴處聽來歸思重
雲林小景

山中

歸人渡水少空林蔽煙舍獨立望秋山鐘鳴夕陽下
自着林間屐來聽石上琴老僧留客久西嶺日將沉
九日

携壺还採菊惆悵獨登高憶在詞林日華筵食賜糕
客中歲暮

已嗟求道晚復省濟時難碌碌成何事天涯又歲闌

睡足

風雨落棋村鳩啼正掩門今朝無事後睡足亦君恩

客中除夕憶女

別家非願久回首已徂年今夜寒齋雪何人聽折絃
和陽孟載刺客三詠

雜

袖藏出層市一揮報公子誰言上將雄不異孤豚死
筑

王醉不知音亭前殺声起勿輕無目人能為有心鬼
七首

購自徐夫人欲堪秦皇帝銅柱火光飛奇鋒非不利

鄭隱君山園四詠

春紅雨後繁孤墅啼鶯曉聞道曲江園遊人近來少

右杏園

種瓜莫傷蔓傷蔓子生稀留待經霜露盈筐採得歸

右瓜圃

獨行林下路望南山暮無酒撥英嘗寒香已零露

右菊蹊

春暗花如雪難招落莫竟空林酒醒處月墮客敲門

右梅塢

余氏園中諸菜

葵

生依堂後井綠葉幾禁長每愛清齋曉山羹帶露香

韭

芽抽冒餘沍掩冉煙中縷幾夜故人來尋畦剪春雨

筍

林下和烟折頓燒晚飴時秋陰從自_此少放月到南池

芥

葉冒春蟲老花留暮蝶新櫚來供素茹露氣足芳辛

茹

夏雨早裝底垂々紫實圓為詢軒冕客誰植郡齋前
薺

苦口應多利誰誇尔味甘春風花似雪自繞古墻南
菘

秋深詫晚出嚙脆如鳴玉醒酒策竒勳冰壺浸寒綠
蕪

紫絲浮半滑波上老秋風憶共香菰薦吳江暮艇中
菘

白藕洗春泥瓊々嚼脆梨勿須拋翠葉留作甕頭齏
菌

土膏蒸秀質雲液潤華滋寄語瓊田叟無煩種五枝
芋

收處同山栗防饑向歲闌寒齋自煨啖不用嶽僧殘
芹

飯煮憶青精羨炊思碧澗無路獻君門對按空三嘆
葱

玉糝浮春筍青絲簇曉拌不知冠軍族舊業幾人安
薯蕷

斲雪得竒藥黃金敢論美歸時煮澗薪竹外孤烟起
茭白

舊說彫胡美園厨試早嘗還思聽蕭瑟風葉滿秋塘
端陽十詠 在集已收錄索叙符二首

艾虎

乍出草間微高懸衛午扉何能令鬼避應假阿菟威
角黍

香茱裊裊吹投祭楚江湄頗恨饒蛟橫君忠竟不知

昌歎

采菝自遙汀芬薌助醖醴編共邀當午酌誰伴大夫醒

守宮

花房夜杵紅痕漬香侵骨不見翠輿來春愁共難沒

射柳

不設畫熊侯營前折條短一發萬人呼青：正中斷

擊毬

躍騎曉場平流珠逐杖輕衆禽疑彈落花外一聲鳴

競渡

畫舸闐飛龍襄王廟前發向晚鼓聲歸涼波上新月

鬪草

摘拾徧裝：鋪茵曲檻東衆家誰勝得獨有並頭紅

軍裝十二詠 在集杖其十

或擊或不擊皆堪制強敵營中尤切需炊餉三軍食

右刁斗

魚皮作箭房行響豹羈傍何日看休戰高懸向射堂

右箴

師林十二詠

獅子峯

風生百獸低欲吼空山夜疑是天目巖飛來此山下

飛虹橋

初看卧波影應恐雨崇朝過澗尋師去端如度石橋

含暉峯

演漾弄晴暉江山秋歛霏我吟康樂句日暮淡忘歸

吐月嶺

四更棲鳥驚山白初上月起開東閣看正在雲峯缺

立雪堂

堂前叅未退立到雪深時一夜山中冷無人祇自知

卧雲室

夕卧白雲合朝起白雲開惟有心長在不隨雲去來

問梅閣

問春何處來春來在何許月墮花不言幽禽自相語

指栢軒

清陰護燕几中有忘言客人來問不應笑指庭前栢

玉鑑池

一鏡寒光定微風吹不波更除荷芰影放取月明多
冰壺井

竹谷

翠雨落經床林鳩午鳴後筍出恐人來編籬遮谷口
禪窩

縛茅蔭床趺風雨不可壞誰言尋丈寬能容大千界
六言絕句

陸氏別墅

斜陽流水幾里啼鳥空林一家來往莫愁橋斷門前
自有浮槎

槎軒集卷之八

槎軒集卷之九

七言絕句 吳門 高啟 李迪 著

宗徽宗畫畫眉百合

百合花殘六合塵汴宮啼鳥怨無人不知風雪龍沙
地還有圖中此樣春

孟浩然騎驢吟雪圖

西風驢背役吟魂只到龐公舊隱村何事能詩杜陵
老也嘗騎扣富兒門

虎丘

望月登樓海氣昏劍池無底鎮雲根老僧只恐山移
去日落先教鎖寺門

醉後贈張架閣自京回

燕山雪灑虎皮鞵萬里歸來動隔年莫說中原成敗
事相逢且共酒家眠

送王丞巡寨

前夜三峰照遠山防邊那得待農閑肩輿行視千夫

柵應過秋風第幾閑

送林生往海上

藥囊詩卷又辭親風雨孤舟渡晚津此日遠遊君莫
怨亂離無限別家人

題張靜居畫

隔塢晴鷄午唱遲焙茶煙裏樹離離知君貌得山村
景應是當年未亂時

醉歸夜坐有感

醉歸門掩卧閑坊夢裏憂時得暫忘忽聽角聲驚起
坐月明軍壘五更霜

雨夜

江黑雲寒閉水城
餓兵守堞夜頻驚
此時自在苑簷底
風雨安眠聽柝聲

寒食感懷

江城寂、雨冥、楊柳無烟曉
自青亂後西園門
獨掩流鶯不似去年聽

城邊舊墓是誰家
祭肉應無餒晚鴉
聞說子孫經亂散
傷心空見野田花

故園春雨杏錫香
幸喜家人共得嘗
無限從軍西去客
今年寒食未還鄉

城南柳

裊、閒姿漠、陰春江路暗
繞城深前朝送別曾攀
處回首都迷不易尋

虞文靖公墨蹟

清朝文雅孰稱雄
我已生年後此公
今日亂離江海
上獨瞻遺墨淅西風

送艾判官南歸塋親

青楓驛下哭秋烟
抱骨初登萬里船
京國餘仕無舊
橐故人誰贈買山錢

客館夜見亮師畫上有余呂二友題

上人圖畫故人詩相見燈前夜雨時無限雲山與煙
樹總含秋色是相思

登白蓮寺閣貽幼文

思君曾此望西州誰信歸來得共遊只是當時舊山
水如何重看不勝愁

贈杜彥正兒端二首

骨琢清冰目剪波生兒若此豈須多杜郎還是真男
子愧我無才為作歌

不貪梨栗自相親識是伊家舊友人更待十年應長
大功名當見太平春

海上逢王常宗雨夜同宿陳氏西軒

故人散盡獨君存風雨相逢海上村尊酒飲闌言未
盡更留殘燭照黃昏

客舍送周履道往松陵

客裏愁傾送別杯鱸鄉亭下暮潮回明朝獨卧江村
雨誰復敲門話舊來

送胡奎還海昌

練裳風細落桐英江燕差：夏雨晴硤石山前今夜
泊隔船誰聽詠詩聲

晚陪張子宜過西橋隔城望見諸山

晚上西橋送客行
隔城遙見衆山晴
望山还恐山長
笑坐守書帙不出城

讀周履道荆南集

生別猶疑不再逢
楚天雲樹隔重重
愁來讀盡荆南
稿風雨空齋掩暮鐘

寒夜逢幼文

松下柴門密雪封
故人驚喜夜相逢
明朝歸棹还分
別莫聽楓橋寺裏鐘

雪中喜劉戶曹君勝見過

滿城春雪禁花開
愁坐寒窓欠酒杯
喜子遠能來慰

我扁舟不肯過門回

托流人寄書家兄

不遇流徒謫戍邊
家書那得去人傳
今朝信發何時
到路隔鷓原有几千

田舍夜春

新婦舂糧睡獨遲
夜寒茅屋雨來時
叮嚀兒子休啼
哭明日行人要早炊

卧病夜聞隣兒讀書

月淡梧桐雨後天
呶唔聲在北窓前
誰知隣館無兒
客病裏聽來轉不眠

贈揚孟載兒阿稱

憐君 有佳兒三歲還能誦父詩
賓客見來誰不喜
我身回顧却成悲

逢故人子

道傍忽見為躊躇
流落飢寒喪亂餘
久客無人解相念
傷心思廣絕交書

客越夜得家書

一接家書意便歡
外封先已見平安
故鄉千里書難得
不敢燈前草草看

夜雨客中遣懷二首

不是羈人是木腸
怕愁不敢易思量
思鄉醉來獨滅青燈
卧風雨從教滴夜長
尋常風雨睡真底
事今宵只自醒
一枕蕭騷孤烛暗
此声原在客中聽

夢歸

何事頻來夢裏歸
只緣未慣客天涯
竟來不見家人面
恰似前朝始別時
忽夢還家上越船
來時旧路只依然
家人不識閩山遠
有夢何曾到我邊

春日憶江上

柳下春潮沒舊磯
草堂猶在掩荆扉
如今歸夢休為蝶
化作輕鷗渡水飛

客中春暮

酒醒閒寫送春詩
細雨殘花尚一枝
莫向天涯望芳草
客愁多是去年時
春寒樓上下簾齊
鷓鴣偏臨客耳啼
淡月殘星天欲曉
故園歸路夢中迷

夢余唐卿

路隔成臯萬里關
何由得見故人還
燈前夢裏匆匆見
猿叫楓林月在山

送徐幼文浩宗源還郭二首

欲共歸舟懶入城
再三難判別時情
聊題詩卷投君袖
相伴秋江此日行
客中僧袖影翩翩
同逐秋風上別船
賴得江帆無樹隱
相望直到暮城邊

元夕聞城中放燈寄諸友

江邊殘雪閉寒扉
坐恋梅花未解衣
却憶今宵滿城月
看燈人醉踏歌歸

春日漫興

春冷園林未到鶯
初晴稍綻山櫻野
夫不負東風

意也起尋芳郭外行
春事匆：過海棠只愁春去欲顛狂雜英滿地憑誰
拾合作熏炉百和香

江上雨中

江漲隨漚欲到門濕雲依樹易黃昏幽居常日無來
客何況瀟：雨滿村
床隱屏風竹几斜卧看新燕到貧家閑來江上渾無
事聽雨惟憂損杏花

春陰

風雨將殘雪又來春陰二月未能開紅花白蕊都妨

却只有青：一院苔

惜春

春過一半未能知此後還愁不肯遲斜日浮雲棲上
醉更無一語嗅花枝

林間行成

冠觸花稍露濕衣曉因行樂到南圻日高霧散春江
曲綠滿平疇雉子飛

王宅看海棠

春盡無花思看花見花不語轉咨嗟朱唇得酒潮生
臉醉媚應誇內史家

春日次北郭故人寄韻

風多舟小滯歸人
飛絮茫茫暗晚津
酒滿壚頭花滿
店今年不見洛陽春

清明有感

綠樹誰家烟火新
鞦韆斜日總無人
竟消獨立長洲
苑慘：鶯花寂：春

聞諸君遊城北女冠院看杏花

聞踏春晴覓彩霞
鳳笙吹向女仙家
劉郎醉後殷勤
看不是玄都觀裏花

柳塘飛燕

身輕不柰晚多風
春盡迴塘落絮空
楊柳陰迷三十
里畫樓何處捲簾櫳

睡起

睡起東齋夢蝶床
葫蘆蒸熟滿家香
空林積雨無人
到今日開門草又長

閏三月書事有感

不須愁寫送春詩
花比常年落最遲
添得一分春色
在天應憐我惜芳時
綠樹殘鶯偶一鳴
聽未方解憶山行
今年不是逢餘
閏已過春光半月程

春日經故帥宅

錢豎韓園處：池儘多芳草，少花枝。眼看新第皆蕪，
沒何況將軍出許時。

西園春暮

寺裡園中總倦行，閑眠看得燕巢成。豈無酒伴同騎
馬，落日風吹花滿城。

非關騎馬踏塵埃，病眼昏昏自懶開。江上酒徒應共
咲，經春不作看花來。

壯年未甚惜春歸，却喜新陰綠上衣。乘興獨吟斜日
裏，閉門啼鳥亦來稀。

春晚過茶磨西崦

一場茶煙隱翠微，漁樵來慣客來稀。溪頭樹暗飛盡
初聽人家響杼機。

雲岩東院

古寺閑窓映竹開，雨声初斷鳥声來。春風似念無花
看，遠送飛紅到硯臺。

杏林為蕭沈二醫師題

求藥來非問酒家，牧童休指近村霞。欲知活潑人多
少，試數門前幾樹花。

絳雪紛紛滿翠條，扣門都是病家邀。如今不用施方

藥聞得花香病自消

田家壽燕圖

花滿茆堂映綵衣
開籠曉放鶴雖飛
隣翁壽畢共扶醉
恰似春來社飲歸

春暮題畫

花落吳王故苑西
客亭風雨聽鶯啼
今年又負行春約
畫裡看山不忍題

過湖南舟中卧作

野客分携水店前
浪平舟穩稱酣眠
午鷄啼處前村近
過盡平湖幾曲天

江上阻雨

高枕潺湲響夜瀧
暗驚風雨到船牕
客程三日不潺去
夢逐野鷗飛過江

開元綠陰堂嘗笋

僧林遠過竹扉開
燒筍頻煩斲紫苔
雨後尚憑留幾箇
高堂重看綠陰來

三蟲

蜜脾未滿報衙頻
蠹化初成傳粉新
誰道爭花群隊裏
長吟還有獨醒人
粉蝶黃蜂各冶心
逐香窺艷競相尋
南園雨過群芳

歇輪与鳴蜩占綠陰

雨中閑卧

青檀素榻小窻空
慙愧安眠敢歎穷
多少人愁泥滑
曉衝風雨客途中

晚立西浦渡

鬢絲微映釣絲輕
水葉驚風細浪生
誰見晚涼人立
處數株楊柳一蟬鳴

西山暮歸

急雨纔收瀑轉雷
爛紅千樹熟楊梅
嫩涼睡足天峯
寺借得肩輿晚亦回

過湖舟中望寺

出浦平波忽地開
隔湖煙樹有樓臺
歸舟未得尋僧
去空聽鐘声裏來

林亭避暑

風細桐花落井闌
池荷新長大如盤
閉門無客遙鈴
索半篋閑書讀易殘

畫闌斜度水螢光
荷葉荷花各有香
團扇不搖風露
下秋應先宵涼

池亭对竹

秋陰弄色護池亭
群玉山橫翡翠屏
鳴鶴迎風時一

喚先生高枕夢初醒

江上晚歸

渺：双鳧落晚沙一江秋色艷明霞逢人不用停舟
問大樹村中是我家

秋閨怨迴文

人行遠寄寫情詩靜院秋生恨別離新鴈過時驚夢
短塵惚挂影月遲：

中秋無月無酒

桂樹香寒掩畫樓江雲黯淡蔽中秋道人莫喚姮娥
出照見空樽却轉愁

不須擗一空

丁侃約中秋泛舟過予姜江竟留飲孫卿池上
擬向江潭夜放舟却成騎馬習池遊但逢有酒俱堪
醉月色初無兩樣秋

秋日見薔薇

黃葉林中峯蕊開窮陰不道艷陽回空房雨裏看如
咲應喜今朝有客來

癸卯九日

酒熟如何菊未開小園荒徑獨徘徊不隨衆友登高
去只恐愁因望遠來

菊竹

晚香寥落倚秋陰
荒迳無人白露深
不及芙蓉與楊柳
湖邊時有畫船尋

墨菊

獨留鐵面傲霜遲
秋蝶來尋莫自疑
須信陶翁醉歸後
西風塵土滿東籬

紅梅

春暈冰綃倚竹低
羅浮却似武陵溪
詩人從此來相覓
雪滿空山不復迷

折梅

竹外相逢見素花
手携數朶喜還家
雨寒今夜無明月

月慙托寒燈照影斜

題三香圖

羅浮洛浦與瀟湘
三處離魂一本香
夢斷月明秋渺
縞衣何似翠裙長

道上人梅

笛裏寒稍蓋自開
幾年風雨不生苔
山窻夜半禪初定
應喜無香撲鼻來

過北莊訪友

淺水平沙凍鴨眠
秋聲和過石橋邊
尋人蕙渚尋詩
吳野樹江雲欲雪天

和姿秀觀梅

閒將瘦影伴吟身
水際黃昏竹外春
莫訝此翁偏賞
戀愛梅自古屬幽人

東丘蘭若見枇杷

落葉空林忽有香
疎花吹雪過東牆
居僧記取南風
後留個金丸待我嘗

冬月寓治平寄王仲廉

我遊山寺未能回
君卧園廬不肯來
惆悵欵冬花樹
下一尊賞雪共誰開

蜡月十七夜偶成

一床詩思繞梅花
月墮西樓欲起鴉
可是年來無遠
志夢魂終夜不離家

城西幻住菴期看梅花雨雪不果三首

詩人本似道人閑
偶負幽期不出山
只有梨花舊時
夢夜随明月到林間

梅花宜向雪中看
屐滑翻愁雪未乾
惆悵出房深竹
裏一尊誰与破春寒

翠羽休啼怨不來
滿林風雪滿身苔
此花不是繁華
種只合空山独自開

槎軒集卷之九

槎軒集卷之十

七言絕句 吳門高啟李迪著

張太常金華白石山房

石氣春生化白雲滿林瓊草卧羊群太常他日歸來
日身老應同萬石君

聞王翰林使番

碎葉城邊積雪明彈箏峽外遠人行已聞贊^音知臣順
不似前朝作舅甥

雨後讀王待制詩

客憲疎竹雨淒淒把卷燈前讀舊題此際殷勤如會

^同不知君在夜郎西

夜泊毘陵道中遇雨

憶自家中向晚邊醉看兒女咲灯前孤舟今夕毘陵
道独枕篷牕聽雨眠
野客維舟柳岸边昏昏離思暮鐘前衾擁不寐聽風
雨還憶江頭人未眠

離江館一月有感

憶得離家一月期天边明月半圓時遙知此夜閨中
望比着他宵分外悲

見花憶故園

春色先從天上来
花枝盡發鳳凰臺
不知別後鄉園
樹寂寞書牕
開未開

得袁卿書知赴湖廣

聞君去歲客昇州
近得書來却倍愁
為說去程今又
遠望鄉應上武昌樓

雨中曉卧二首

井桁烏啼破曙煙
輕寒薄被落花天
閑人晴日猶無
事風雨今朝正合眠

香斷牀幃冷未開
雨寒寥落滿櫺苔
休輕一枕江邊
睡拋却腰金換得來

閭門舟中逢白範

十載長嗟故舊分
半歸黃土半青雲
扁舟此日楓橋
畔一褐秋風忽見君

寄雲間朱國史嘗同宿左掖約至江上

見訪二首

風雪京華憶舊逢
候朝同聽鳳樓鐘
還鄉何事番離
阻春樹春雲隔九峯

曾期訪舊到江沙
惆悵參差過落花
大樹村中休重
問野人求食已移家

宣和所題畫

御翰親題賞畫工
棘林野鳥怨秋風
那知回首宣和

殿物色淒涼與畫同

子昂臨祐陵草虫

宣和遺墨畫難工
惟有王孫筆意同
莫道吳宮與梁苑
一般草露覆秋虫

謫仙像

妃子嗔來供奉歸
金陵酒斃舊宮衣
若教直上樓船去
此像人間寫亦稀

青城先生戴笠圖

暫脫朝冠白髮輕
南村群犬莫相迎
行吟不覓逢山雨
但聽蕭蕭葉上聲

梨園按樂秉燭夜遊二圖

催花一曲勝伊涼
羯鼓聲高樂未央
閣外莫陳胡騎動
花開正要舞山香

內家持燭畫紅粧
仗入華清看海棠
羯鼓聲中春夜短
君心何暇照逃亡

題畫送人歸覲

相望益遠益傷神
落葉浮雲暗度津
底事過江柔櫓急
故鄉知有倚門人

送李二尹赴歸安

苔花微雨落秋汀
一路青山棹幾停
預喜哦詩無俗

吏函松相對縣丞廳

送友謫戍

獨携一劍未知名
憐我唯君弟
與兄欲把平生肝
胆事盡如別酒
向君傾

江柳江波雪後春
蕩舟相送此江濱
衆中莫恠偏多恨
自是人間失意人

挽栗瀆翁

誰憐一鶴一長身
去作窮泉万古塵
他日重來牀下拜
襄陽耆舊是何人

慰人悼亡

朱字篋篋委網塵
月明不見理絲人
鏡臺窓下櫻桃樹
應是當時折刺春

題湘君洛神二圖

祠前脩竹楚山青
風珮時飛過洞庭
月夜莫彈瑤瑟怨
重華不見有誰聽
晚步芳洲拾翠歸
不愁風浪濕仙衣
彩雲一滅無尋處
應逐陳王去馬飛

讀徐幼文北郭集

一卷忻看故友詩
留人去喜還悲西
窓夜雨灯前讀
不似連床對咏時

和竹斯道懷徐幼文韻

題詩為我謝湯休莫作人間遠客愁為報歸期須記
取松陵江上鱸鱸秋

金微士潤玉留宿江館阻雨

落花風急野無舟喜為茅齋幾日留却愧江邊春酒
薄不能慰子客中愁

題張來儀畫

滿壑春陰滿澗苔茶烟起處薜帷開山童頻報敲門
客總為催詩索畫來

贈醫師徐亭甫

錄得龍君舊猷方杏花春雨閉山房病家幾度來相
覓林下遙聞煮朮香

贈真師

花下携琴見此僧自言開法在金陵十年江海遊應
變通老去空山对一灯

次王耕雲与愚庵倡和韻

灌老移石不辭勤苔潤流泉雨後新一塢綠楊鷄犬
靜老來欣作太平人
欲望城西礼白雲教峯蒼翠晚嶙峋誰知解后東歸
客亦是香山社裏人

過保聖寺贈隆衲

湯公寺子陸公隣
杞菊畦荒夜雨頻
莫訝相遇偏不
壓白頭
禪客是詩人

送僧震赴京省師

孤雲飛傍五雲遙
京國尋師去
具饒明日春寒江上
路
雪花應雜雨花飄

四皓圖

高山深谷樂悠哉
何事犹思太子來
擬向秋風歌一曲
紫芝黃鵠總堪哀

二喬

懶誦周南淑女詩
龍韜對閱晚粧遲
孫郎料得非孫子
不肯臨戎戮二姬

管仲姬畫竹

晨看粧鏡有青鸞
寫得當時舞影看
零落彩雲何處
夢鷗波亭上正春寒

張雲門寫竹

臨池書罷換鵝群
餘墨犹堪貌此君
一段湘娥廟前
意淋漓
秋雨共秋雲

倪元鎮墨竹

倪君好畫復耽詩
瘦骨秋來似竹枝
前夜夢回如得

見紙窓斜影月低時

寄沈侯乞猫

許贈狸奴白雪毛花陰穩卧日初高將軍內閣元無
用自有床頭却鼠刀

画犬

瘦兒初長尾茸茸行響金鈴細草中莫向瑤階吠人
影羊車半夜出深宮

画馬

草映鬃奴緋綠衣官家好馬說新肥解鞍閑立斜陽
裏應是城南賭射歸

桂花芭蕉二仕女

桂花庭院月紛紛按罷霓裳酒半醺折得一枝携滿
袖羅衣今夜不須薰

秋窻睡起試生羅閑向芭蕉石畔過恠底早凉欺匣
扇夜來葉上雨声多

背面美人

鞦韆庭院閉青春背立誰曾見得真莫道不言思憶
事欲言还說与何人

春睡理髮美人二圖

粧殘嬌睡帶餘醒鸚鵡當牕不敢驚誰信上陽宮內

女一春愁絕夢難成
桐風曉動內園枝
吹亂花前發幾絲
午後理梳羞未
出怕人猜是倦粧時

巨然小景

隔溪山閣映秋開
坐久鐘聲度水來
遙指石橋村樹
杪一僧歸處是中苔

茆翁畫雙竹

不孝簷簷滿谷栽
兩竿斜拂楚煙開
老仙應解吹橫
玉喚得雙飛碧鳳來

松雪畫馬

校尉當年執策迎
千金遠購貳師城
一歸天廐嗟空
老立仗元來用不鳴

瀑布

千山雲頂一泉飛
仰面時驚雨濕衣
彷彿香爐峯下
看滿溪紅葉訪僧歸

仙山樓觀圖

霧閣宵闌脉望飛
月明露重濕銖衣
仙人莫入芙蓉
館劉阮迷花久不歸

秋娘紅拂二妓

不見秋娘今幾年
楚雲湘雨思悠然
月明樓外天如

水猶憶梁州第二篇

花枝不鎖後堂春夜半長安旅邸貧棄去老奴從此
客可憐小妓亦知人

荔枝練帶

雨後蠻枝錦果肥華清貢罷驛塵稀山禽自繞枝頭
啄疑是宮中舊雪衣

棘竹三禽圖

棘枝棘瘦竹枝低三鳥寒多每並棲月落山窅秋夢
斷不知若箇最先啼

和遜菴尋舊偶不值

揚州夢斷十三年底事猶存未了緣不見畫眉簾下
立斷腸騎馬過門前
曾看梳粧傍玉臺後臺春曉翠屏開重尋未省雙鬢
去只道羞郎懶出來

十宮詞

芙蓉水殿灑廊東白苧秋來不耐風教得君王長夜
醉月明歌舞在舟中

吳

雨去雲來十二峯渚宮樓閣暮重々細腰無限空相
妬不覓瑤姬夢裏逢

楚

宮閉驪山靜管絃翠華巡狩去經年掖庭無用恩難

報願上蓬萊採藥採藥船 秦

酒醒金屋曙河流願賜銅盤一滴秋他日君王作仙
去瑤池猶幸得同遊 漢

翡翠明珠入貢頻承恩長占鄴臺春至尊莫信陳王
賦那得人間有洛神 魏

盡日南風永巷開羊車去後玉堦苔誰知天上無塵
地亦有城南小史來 晉

帖地黃金襯襪羅苑中市罷合笙歌有人解誦西京
賦添得樓臺火後多 齊

春風三閣綉參差狎客爭陳璧月詞幾度醉醲嬌不

起景陽樓上曉鐘時 陳

五斛青螺一日銷迷樓深貯万妖嬈衆中誰解留車
駕風浪如山莫渡遼 隨

玉笛聲殘禁漏長雲屏月帳醉焚香五王宴罷皆歸
院大被空閑一夜涼 唐

詠史二十二首

一裘身着久經年祿米分炊幾戶煙盡說大夫能養
士却於尼叟惜封田 晏嬰

徒誇闡戰衛華軒渭水何能洗衆冤想到出亡無舍
日應思不用趙良言 商鞅

二子全操七國權朝談從合暮衡連天如早為生民
計各与城南三頃田

儀秦

免計難成五步間置君虎口幸全还世人莫笑三閭
懦不功懷王會武關

藺相如

朝歌長夜館娃春總為妖姬戮諫臣何事却卑貴公
子能因蹙者殺佳人

趙勝

紛々傾奪苦多謀得勢还懷失勢憂丞相不須嗔蔡
澤此時當問老穰侯

范雎

不識吳王自有真尊前示玦謾勞神當時誰道翁多
智不及王家老婦人

范增

不握兵權只運籌苦辭萬戶乞封留縱令不早尋仙
去天子終無賜醢謀

張子房

凶吉何由鵬鳥知才高暫謫未須悲秋風不洒梁園
淚宣室寧無再見時

賈誼

迭奏文章直殿廬茂陵还復訪遺書寂寥猶把春秋
傳誰問江都老仲舒

董仲舒

猿臂將軍本自賢灞陵醉尉竟難全不聞當日王孫
貴重到淮陰賞少年

李廣

功名何必任才謀遇合逢時便可收高寢郎官頭已
白一言悟主即封侯

田千秋

外家勢重直言稀
京兆書陳踏禍機
合浦老妻須莫怨
絕勝卧病死牛衣

王章

執戟三朝老從臣
從來無意據通津
如何晚把玄經筆
却為新都著劇秦

揚雄

浪泊歸時憶少遊
炎蒸終復困壺頭
漢廷豈少英年將
衰老南征苦自求

馬援

洛下人家懶去干
閉門僵卧雪漫漫
立朝不附薰天勢
應為平生耐得寒

袁安

晚惜彤弓勢已難
空期魏武作齊桓
猶緣死沮奸雄意
竊鼎遷延到五官

荀彧

莫謂流星墮渭濱
出師未捷已沾巾
天應留取生司馬
歸作他年取魏人

諸葛孔明

長史難忘昔受遺
寒門投老苦憂時
孝廉猶有當年意
不遣真從介子推

張昭

軍門被褐異隆中
抱策歸秦竟事戎
猶喜遺言真有識
不教飲馬向江東

王猛

談笑新亭鼎不移
坐籌張虜在枰碁
平生事業從容得
莫道無心屐折遲

謝安

自古南荒竄逐逼
佞臣元少直臣多
官未瀧吏休相誚
天要朝人識孟軻

韓子

槎軒集卷十終

姜東莫宗源刊

槎軒集附錄

高太史先生傳

門人呂勉

功懋長洲隱士

先生諱啟字季迪世吳人居城東北陬考順翁以上
俱裕饒有田餘百畝在沙湖東迤南切吳松江遂倚
江滸之大樹村以便課耕先生：元丙子稍長兄咨
戍淮右繼失怙恃即綜理家政往來江城以居性警
敏書一目即成誦久而不忘尤粹群史嗜為詩出語
無塵俗氣清新俊逸若天授之然者年十六淮南行
省叅知政事臨川饒介之分守吳中雖位降望尊然
禮賢下士聞先生名使：召之再先生畏避久之強

而後往座上皆鉅儒碩卿以倪雲林竹木圖命題實
試之也且用次原詩木綠曲韻時先生一慙稚耳衆
易之侍立少頃荅曰主人原非段干木一瓢倒瀉瀟
湘綠踰垣為惜酒在尊飲餘自鼓無絃曲饒大驚異
以其含蓄深遠非穉作可及延之上座特為書於圖
諸老為之掣肘自是名重搢紳間縱前輩靡弗畏之
年可十八頎而未冠嘗聘青丘鉅室周翁仲達女因
家落弗克備六禮体一旦翁病所交戲之曰若婦翁有
不安盍往問之可乎先生曰諾願偕往焉遂同抵其
第翁謂所交曰吾疾近稍愈未可率爾與新客見聞

其善吟客位間有蘆鴈圖脫一題足矣先生走筆一
絕云西風吹折荻花枝好鳥飛來羽翼垂沙濶水寒
魚不見滿身霜露立多時若欲偶之意亟矣語所交
請其回嘗擇日妻之也踰弱冠日課詩五首久而恐
不精日二首後一首皆工緻沉着不經人道語然有
以當乎人心而不知手足之舞蹈也元季傲擾張士
誠據淞右時彥皆從之先生獨弗與處挈家依外氏
以咏歌自適故有青丘子歌并江館一集寓志焉先
生尤好權畧論事稠人中言不繁而切中冑縻人莫
不聳動交聽而厭服其心故饒及方鎮丁仲容締交

如驗左契所与王彞揚基張憲張羽周砥王行杜寅
徐賁宋克余堯臣釋道衍輩皆豪宕不羈談辯精確
憫然以為天下事可就一時武勇多下之 明興二
年正月蒙召入京与同里謝徽脩元史二月開局總
裁宋公以曆自黃帝以來聖君所重微遠難明特委
之先生為考據運氣度数歲餘歲差授時步氣之屬
徵古驗今必求昭合乎天道非苟為而已及他志傳
訖有詳明文實事核深為公獎賞八月書成上進有
白金文綺之 賜已而 命教諸功臣子弟次年二
月官翰林編脩至七月 特擢户部侍郎以年少未

諳理財之任懇辭致政實洪武庚戌也仍 賜白金
与徽同歸復居青丘時盧熊脩郡志初成為之考據
并躬探覽於風俗古蹟祠廟冢墓山水泉石園亭寺
宇橋梁雜賦每系一詩衆体兼備共二百二十三首
名始蘓雜詠傳于世移居武丘西麓訓蒙未幾遷城
南歲壬子國子祭酒江夏魏觀來知府事与先生嘗
會於 郭舊好為徙居城中夏侯橋以便朝夕親与
盖观為勝國遺才頗自矜詡矧解青烏經術到任第
欲更張以吳城無蛇門則自東南水陸來之生氣間
阻故百年之富極品之貴甚有所妨圖欲闢之先是

在城諸委巷久淤舟艇往來不便役民挑濬甚急已
多歛怨又以府治乃前元都水屯田司偏於西則出
武衛之下即城中央舊治而新之吳帥慮其居左且
觀由內出諸帥府見弗為礼衙而密疏之尋有張度
御史采微行廉其跡以先嘗為撰上梁文王彞因浚
河獲佳硯為作頌併目為黨俱擯赴京衆怕懼喪魄
先生独不乱臨行在途吟哦不絕有楓橋北望草斑
斑十去行人九不還自知清澈原無愧盍倩長江鑑
此心之句歿於甲寅之九月也年甫三十九人無貴
賤賢否老少咸痛惜之先生所著有在鳴吹臺鳳臺

槎軒詞則扣舷文則鳧藻等集議論精鑿叙事典贍
賈誼班固之流乎詩之高古類魏晉冲澹如韋柳和
暢如高岑放適如王孟質直如元白樂府多儷漢制
其新聲雖張籍王建所不逮數千万言兼乎衆長出
人意表不啻良金美玉取重於時布帛菽粟可用於
世老杜所謂道眼前句先正所謂隨事命意遇景得
情自唐以來為世詩豪而自成一大家者也天何靳
其才年止于斯設使登下壽所就又可量耶 太史
公傳賈生云每詔令議下諸老先生不能言生盡為
之对人各如其意所欲公諸生於是乃以為能而

不及也先生之才不下於生出處亦不相遠雖年稍過之而終值首極夫名者古今美器造化深忌之故兩間無完名范母云既有令名而欲壽考可得兼乎茲亦若此悲夫

贊

同郡杜寅 彥正史官禮部員外郎

赤狄撓夏化元弗舒乃生才豪洩天之奇孝迈往古氣凌當世英華溢發鳳鸞翥翥回視衆作精鑿批糠盍秉鉅筆以提宏綱典謨陶鎔人文宣即何厭塵匣倏爾攸徃一日之短千歲之長垂言不朽風雅有光

哀辭有序

同邑張適 子宜兵部郎中

高君諱啟字季迪號青丘子又號槎軒世為吳城人父祖皆弗耀而豐於財迨君家落而雄于才未冠以穎敏聞所交以千言貽之曰子能記臆否君一目即成誦衆皆驚服君淬砺於孝尤嗜詩：人之優柔騷人之淒清漢魏之古雅晉唐之和醇新逸類而選成一集名曰傲古日咀咏之尤是為詩投之所向罔不如意一時老生宿儒咸器重之以為弗及張氏據中吳仕而才若西江饒介輩深加敬礼勸之仕君咲而不荅然惜其才延之使教諸子而名日益振遠迹得其詩以為貴 大明維新有薦以史事者入史館未

幾書成官以國史院編脩俾分教功臣子弟未逾年
特授戶部侍郎自以不能理天下財賦力辭忤旨
仍賜白金一鎰以酬訓誨之功歸吳益放於詩自類
其平生所作千五百首曰正鳴集曰姑蘓雜詠共如
千卷傳于時李者宗之詠歌之以自適洪武甲寅緣
事連坐以歿大夫士靡不為之痛惜於虛君事親與
兄盡孝友處族黨交游盡恭而義其容和煦其言閑
于燕私善譴酒酣長歌中年始得子喜若不能容
每與論詩疊々終日忘倦或繼以夜所居去予不遠
故與予未嘗一日而離其有所離或授館於外亦或

以詩見寄及去京師睽離未幾予亦以聘至不久復
合比君歸鄉既離予偶亦得以不才辭秩還復胥會
故君與予周旋久而相知為深君平居自愛唯恐一
毫不慎獲戾于時今若此其非命也夫雖然君生不
得伸其志而獨能雄其才而昌其名是歿有不歿者
存也惟恐君之心無以暴於世故為之友者哀之以
辭以解世之疑以慰君于冥々者爾

繫斯人之生兮何質美而才豐既化俗以為雅兮仍
拔萃而超庸強記誦而恬廟兮彪乎外而彌其中遂
大放厥詞兮誠意足而理充短章寂寥兮靈々大篇

春容兮灑、引物連類兮諧乎金石窮情盡變兮宣
乎社宮取材資乎楚騷兮和声通乎唐風名日暢乎
迹遐兮忽上徹乎九重俾載筆乎翰苑兮復分教
乎辟雍何峻擢之弗拜兮遂放逐而歸農承錫賚
之荐加兮足以表撰迪之成功迺夫鄉而自如兮雖
益脩乎篇翰式省愆兮兢惕恐駕旣兮逮躬何出手
不測兮罹此大咎廼借二陸以為伍兮抱終痛而無
窮爰葺詞以致哀兮是見人心之不泯希英魂之克
慰兮庶以表知微悰

祭文

同郡王行

正仲府庠訓導

於乎塊而蠢然兮或顯以終身而為天下之所哂
而粹然兮雖蓄及其身而為後世之所愍孰主宰是
兮有不可得而致詰惟公論之攸在兮不可得而泯
也噫夫人之好脩兮內外並稱而無間致孝之博瞻
兮通乎万類而弗窘詞之緝兮粲海天旦晚之綺霞
文之典兮列宗廟夏商之彝鼎表章逢之才兮居位
與衆而同轍抱危惕之憂兮端分亟还乎小隱何速
讒有不免兮竟罹禍之慘烈咎声譽之不祥兮所以
取造物之顛隕若螢燭之微光兮慨軀命之卑有常
存于天地間兮不可得而少損稽盛衰禍福之隱伏

兮雖聖賢所不遺惟既死猶不死兮以見君子所以
異于人而莫之能盡也哉於乎吾儕締契以道兮式
相好而靡離背膺牒以交痛手心鬱結而紆軫諒脩
短之有數兮茲又何憊第獨居而寡如兮耿中懷之
叵忍陳菲殺与清醕兮奠於廣漠冤其來歎兮涕淚
于焉而偷杖

又

吳興方彛以常北部負

先為死流福為禍門孰如聖人克探其源衆之得失
盍視所為苟非其辜禍焉辭無愧于天委命而已恢
、兩間適值於子况多異才美其文詞蛟翔虎躍玉

佩瓊琚萋斐貝錦光耀簡冊脩己純雅處有順逆順
逆攸在賢哲靡改宰予之夷仲由之醢以至淮陰大
梁殊勲末路何如更有機雲麗辭飽李同歸冥漠張
華嵇康周顛郭璞絕倫智藝俱弗獲壽泛規慨慷今
復何有嗟子室人惇無依倚寢祠烝嘗要之主嗣遺
二弱息悲啼深愧聞者酸淒矧我交往英魄之遊溷
世莫知想駘文螭上騎尾箕敬望原塋奠告以言庶
獲享格用表寸悃

哀悼

同郡徐賁幼文左布政使

昔別會有期茲別渺無跡茫、堪輿間飄然竟何適

音容啟遐想恍忽猶在側眼底之異香疇能致竟魄
旦暮悽以深形影吊單隻惟餘瑤華言和諧重金石
寄示者歷：滿紙雲烟墨一讀一愴情老淚屢揮滴
有名齊李杜泉下奚太息

又

鄱陽劉照彥昂行軍參謀

閶闔門前樹烏啼華月圓詩吟綺樓上午鼓未成眠
翠袖添瑤鴨烏絲寫松牋每懷經濟念鸞鏡感芳年

又

同郡楊基孟載山西憲副

鸚鵡才高竟殞身思君別我愈傷神每憐四海無知
已頓覓中年少故人祀托友生香稻糈覓歸丘隴杜

鵲春文章穹壤成何用哽咽東風淚滿巾

又

潯陽張羽秉儀太常司丞

燈前把卷淚双垂妻子驚看那得知江上故人身已
歿篋中尋得寄來詩

消息初傳信又疑君亡誰復可言詩中郎幼女今癡
小遺稿千篇付與誰

生平意氣竟何為無祿無田最可悲賴有聲名消不
得漢家樂府盛唐詩

又

錫山浦源長源引禮舍人

鼓罷鳴琴遂解形蕭々日影下寒城薄田供祭遺妻

子新冢題名望友生地下未應消俠氣人間誰肯沒
詩名旧廬重過悲聞笛欲賦招魂竟不成

又

郡人梁時用行翰林典籍

犖：才華迥出奇清名早向四方馳文雄勝國圖間
日史就 當朝進獻時一代風騷何可擬百年英俊
信無遺歌殘楚些魂歸未泣向西郊淚暗垂

又

邑人秦衡思尹長岸訓導

嗟君死別若為情幾見堦前春草生斜日半簾歌旧
咏悲風滿樹起秋声百年富貴空流水千古才華有
盛名我托旧遊心不忘相思何處哭孤塋

又

同里金珉德進国子助教

西望淚盈襟詩盟竟陸沉清談徒入夢長別每驚心
旧業寒江遠荒丘宿草深幸留名不朽妙句遍唐音

又

同邑錢復彦周湖庠教授

吟魂飄泊竟何之欲奠椒漿曷忍悲有限歲華双鬢
雪無穷心事一編詩長材狎世當誰惜遺骨啣冤許
自知舊業荒蕪親友散青灯夜雨泣孤嫠

又

郡人偶桓武孟桂林經歷

雲霞組織鬼神驚剝剔元精狀物情詩句工來天却
憾難延軀命只留名

又

郡生吳秦

文度涿州同知

鳴世文章出類才少年多譽衆驚猜杜陵野老生今世又為傷情賦一哀

槎軒集附錄終

先生寓江許時有呂勉功懋者實從之孝痛先生死非其辜矧已抱王良之戚乃徙城西之南濠依族人以居絕不道詩書所以謹于保身也至永樂中世尚弥文禮重賢士始謂人曰吾高槎軒之徒也先贈承德府君時年弱冠即以詩求益為改數語甚當談及先生履歷甚詳出示先生手稿曰江館等集併其所作傳洎諸公贊哀祭悼衆作曰此吾師之蹟也後生其領之先君謹受而藏之篋笥垂三十年迨不肖稍有知將請質先君已棄背矣茲又四十年併錄梓之不惟不忘手先德于前輩事師之誠詎弗少裨

哉

成化丁酉蜡月望吳晚生張習拜手謹書

槎軒集余向收諸郡故家惜首尾多缺無
從補全頃書友携此冊來幸完好遂
兼蓄之而手鈔向所缺失者惟附錄
下憚煩未鈔以此為正本也可

戊辰春三月二十有八日復翁

